



振綺類纂序



古來作者如林綜其條貫  
大體有二而已自唐以前  
采集文詞而號博雅之林



者文選也自唐以後專尚  
氣格而變靡靡之音者韓  
歐蘇氏也操觚之士因其  
質之所近而爲之學其以

華贍爲主者不出文選一  
途其以雄放爲主者不出  
大家一途二者未可相非  
也若但高談氣格脫落排



偶而一望蕭索猶山無草  
樹水無雲煙其何以鼓吹  
休明而備文章之體乎茲  
者

功令聿新人文丕振士子  
纔握管便知宗尚大家而  
呵徐斥庾可謂知所擇矣  
然文章各自有體如制誥



表箋騷詞詩賦以及投贈  
之短章啓答之小言能文  
之士所貴漁獵其精華而  
沉浸其醲郁上可以黼黻

廊廟笙簧六典下可以登  
高作賦磨盾成檄若是者  
固不可少也震澤翁子有  
振綺之輯雖鳳毛麟角不



過一二然以藥藜藿之腸  
膏飛蓬之筆則已有餘矣  
學者卽此而備其體使文  
選韓歐並行不悖豈不足

以光右文之盛乎余故因  
其請序而發余意如此

賜進士出身太子太保內  
秘書院大學士前吏部



尚書都察院掌院事左

都御史協理院事左副

都御史提督四譯館太

常寺少卿吏兵工科都

左右給事中內國史院



庶吉士戊子山西正主

考壬辰乙未武場同考

甲辰武場總裁栢鄉魏



# 裔介題



# 敘

蓋聞書契肇造典墳斯興淳風  
 既遠騷雅間作椎輪大輅之辨  
 金相玉振之辭浮光揚聲變本  
 加厲華實之間粲乎備矣爾乃



詞人才子飛英染翰奉筆蘭臺  
操觚兔園著作承明之庭校書  
天祿之府馳情八極游目萬仞  
風舉水湧含毫渺然下逮徐庾  
迄於鮑謝方駕並軌同工異曲

其聲遞變而爲體屢遷靡不侈  
一時之盛觀極文章之樂事國  
有人焉風流未墜致足樂也其  
或朝夕論思訐謨入告鴻裁莊  
簡炳炳烺烺乃至紀封禪之書



縷白玉之牒鋪張揚厲雍容怡  
愉播之金石被之管絃抑亦著  
述之精而文人之雄也子雲乃  
規規焉薄雕蟲而不爲何持論  
之嚴乎流及旣衰士工帖括家

競咕嗶掇拾餽釘陳陳相因不  
知翰墨爲何事而古者博學宏  
辭之選又屬何人見西子之容  
而歸憎其貌夫士也竊爲恥之  
方今



功令聿新文風丕變於時海內  
懷鉛握瑜之士爭自濯磨謂當  
傾群言之瀝液漱六藝之芳潤  
而石渠金馬名山柱下之藏浩  
瀚溢目涉獵爲艱吾家小阮元

夔氏優游典籍之林泛覽篇章  
之圃爰偕同學宗子鶴問采摭  
群書共相釐訂上自漢魏以迄  
近代都爲如干卷顏曰振綺文  
以類別縹囊紺帙不脛而走用



以羽翼文苑鼓吹休明斯可謂  
前脩之斧鉞後學之津梁者矣  
嘗試論之言者衷之表也質者  
文之原也聲者情之流也理者  
事之始也體不備不可以成章

音不諧不可以按節則作者之  
難也遊五都之市珠玉瓦缶都  
爲珍奇觀天府之藏俎豆球琅  
皆爲異玩珉珞魚目不可以混  
璵璠山林寒儉不可以登廊廟



則選者之難也若夫採玉於山  
探珠於淵豐約並舉細大不捐  
譬陶匏異器絲竹殊音和以六  
律調以八風悅於耳感於心宵  
焉不知其聲之雜于吾前也則

是集爲不朽云元雯博雅君子  
懷文抱質斐然有述作之意由  
是簪筆彤庭潤色鴻業行有日  
矣則是集也爲元雯先資之獻  
而不徒以昭示來學爲當世指



南也故敘其略如此

康熙甲辰秋九月虞山山愚翁

長庸拜手題於天中公署



引

粵自龍圖啓卦卽傳奇偶之章鳥跡敷  
文爰著象名之數含華咀實始自六經  
盡類極方浸流百氏固已權輿丘索托  
始典謨矣若乃引商刻羽代有詞人憂  
玉鳴球聲傳藝苑屈平攄藻沐蘭紉蕙



之篇宋玉揚葩暮雨朝雲之句揚輝藜閣子雲之賦已工珥筆蘭臺班椽之辭允麗爰有鄴中秀彥江左高名擲地金聲懷川珠媚人比王恭之月句成謝眺之霞繡虎擅稱不獨建安公子雕龍揆譽寧止天監才人鉛槧相沿篇章繁富然而鄧林之一枝可採卽錦囊之片羽彌工茲者

世值右文人多華國隴西名彥願抒黃絹之詞洛下通才旋長烏絲之價或文場元帥敷揚對命之辭或筆陣雄師研覈代言之體下至騷詞之倡和箋簡之



投携固已鏘貫珠于行間鬱青霞于字  
裏然而後學之士多因儉腹懷慚好古  
之家又以雕蟲見棄天游不揣鄙陋與  
廣陵宗子同事茲編搜文囿之清言採  
藝林之叢帙事從類別義以蕪刪文備  
六朝書成四卷如玉山之明麗無煙海  
之磅礴庸以簪筆

廟堂可資長揚上林之賦卽使展芸竹  
笈亦助投桃報李之篇遂志短章以公  
同好云爾

康熙三年甲辰之秋八月旣望震澤翁  
天游題於長安之聽松山房





振綺類纂目錄

卷之一

象緯類

節序類

嶽瀆類

方輿類 附邊徼類

君德類

宸幸類

宮壺類 附儲皇類

天潢類



卷之二

仕進類

附政績類

兵戎類

德器類

文翰類

自叙類

述古類

知遇類

附感恩類

不遇類

卷之三

隱逸類

附術業類

釋道類

附神祀類

彝倫類

附世族類

艷冶類

遊讌類

附風景類  
行役類

間別類

聲罪類

傷悼類

卷之四

棟宇類



器用類

樂律類

服飾類

珍寶類

食飲類

植物類

動物類

振綺類纂目錄終

振綺類纂卷之一

和靖公書館藏

震澤翁天游元雯

全選

廣陵宗

觀雀問

象緯類

南冥玉室之宮爰皇是宅西極金臺之鎮上帝攸安

楊炯

渾天賦

泰階平而君臣穆招搖指而天下春箕為傲客房為駟

馬南斗主爵祿東壁主文章須女主布幣牽牛主關梁

執法者廷尉之列大臣之象少微者儲君之位處士之

星天狐直而狼顧軍市曉而鷄鳴三川之交鶉火通其



耀七澤之國翼軫寓其精前人前題

織女停梭受支機於河漢荆人抱璞嗟韞玉於穹蒼王起

鍊石補天賦

煦百川以冰開暖千林而花發王捧珪日賦

良夜欲闌繁星乍沒天地漸分雲霞屢改柳喜日浴咸池賦

合三光而為一混五色而居中熊曜黃雲捧日賦

乘虛散彩狀朝煙之暖空緣隙通輝若晴虹之入戶李程

日五色賦

蓋留殘月旗拂朝霞初破鏡而半掩忽成輪而上征陸贄

東郊迎日賦

隱圓巖而似鈎蔽修堞而分鏡公孫乘月賦

出城中兮纔廣於眉入堂上兮不盈於手莫稀葉少桂

短花新鄭遙初月賦

水族將蟾影交馳浪花與桂枝相送徐晦海上生明月賦

玉宇無雲意姮娥之可覩金波出海覺婺女之迷明有

北微分於辰極維南屢失於昊蒼萬家盈手之時望牽

牛而纔見千里同心之際美烏鵲而追遊韋琮月明星稀賦

浪委波屬故合沓而無窮月見日臻尚殷勤而未已武三

思賀老人星表

曜為經而宿為紀則日常名斗挹酒而牛服箱或標虛



稱拱辰不及空瞻北極之尊就日無因忽覺長安之遠

李商隱  
前題

攀折何因杳在寰區之外陰陽不測永無彫落之年

薛逢

天上種  
白榆賦

白榆風勁析木煙秋吹玉葉而將落泛金波而共流

盧肇

天河  
賦

萬里直繩九霄橫帶映東吳而寫練挂南斗而成橋界

黃道而宵迎落青山而曉送

張環秋  
河賦

躋攀不及限一水以心遙曠望空勞邈九霄而思杳

王損

之曙觀  
秋河賦

靡輕筠之碧葉汎曾松之翠枝

王融擬  
風賦

開翠帷之影藹響行珮之輕鳴下鴻池而蓮散上雀臺

而雲生煙霞潤色荃萸結芳出幽澗而泉冽入山戶而

松涼

謝朓  
前題

拂九層之羽蓋轉八鳳之珠旂

沈約  
前題

有輕虛之艷象無實體之真形或如鐘首之鬱律乍似

寒門之寥廓有若芙蓉群披薜華總會車渠統理瑪瑙

緝文

陸機浮  
雲賦

橫截高巖驚數峰之頓失却臨幽石與殘雪而俱分

喬潭

望太一  
納晴雲賦



縹緲如畫霏微似殘染絳日而成雋映青空以若藍喜侯

秋雲似

馳壯音於天上激駁響於地中夏侯

擊武乙於河而誅戮之罰明震展氏之廟而隱慝之刑

見顧頴之

雷光開而山澤紅雨氣合而原野黑張鼎

乍斜檐而上階或從風而灑幕周小庭而密下滋高枝

而疎落張纘

遵縣子之徒屢尤魯侯之焚巫祗桑林之六禱修季宰

之再雩傅亮

亂積水之圓文拂微風之斜度唐玄宗

出負嶠而石香入成都而酒味張說

林鳴陰鳥澗隱晴蜺九光之霞冠於雲日五色之氣映

於巖谿始攢團而未下終飈灑而俱齊韓休

傾菡萏而花舞散菁蔥而葉吟李宙

雲不崇朝復三千之藥草雨必以夜通百億之江河陳

留雨穀譬此非多櫟陽雨金方斯未重崔融

意纔發而氣蒸令始降而雲合寧止西郊之密且有南

山之隳常袞

雲乍披而旋合霤暫輟而復零傅咸



如霜未結似雨還輕色貴含秋光宜汎曉

盧照鄰秋露賦

昔時春晚拂楊柳於南津今日秋深落芙蓉於北渚

張彥

勝露賦

飛茸灑潤玉散珠連神漿可挹流珠九戶之前天酒自

零擬照三階之下

盧思道賀井露表

朝光初燭方湛湛而不晞畏景轉炎更瀼瀼而未已綴

葉而珠璣積耀盈器而冰玉呈姿芳襲椒蘭味兼飴醴

柳宗元前題

神液并流靈滋膏被

蕭欣謝賜井露啓

聞萬戶之輕礎聽九重之永漏

崔損霜降賦

既因方而為珪亦遇圓而成璧值物賦象任地頒形

謝惠

連雪賦

曉攝光而映淨夜合影而通曠似北荒之明月比西崑

之閨風

劉璠前題

微交月影天邊之孤雁應迷稍助山明松際之浮煙已

失

林滋小雪賦

玉林不夜瑤草先春嶺上裀縻作緱山之仙鶴巖中綽

約寫姑射之神人

李子卿聚雪為小山賦

縈樓棲檻疑壁臺之九重落絮飄花似芳林之二月豈

唯洛神呈象來舞帝宮故亦海騎相趨下朝仙闕東臯



欣而望歲南史慶而書祥萬寶登秋居然可詠雙銅叶  
唱卽事非遥李嶠賀雪表

在登臺視朔之辰飄灑盈尺俯獻歲發生之節飛舞驚  
春重陰益固應水澤腹堅之時積潤潛通迎土膏脉起

之候常袞前題

慎同數馬之人然非萬石誠若倚衡之子不以千金非

北陸積堅之始是東風解凍之餘水蟲隔而鮮鱗必露

秋蟬比而輕翼不如皇甫湜履薄冰賦

况春羔之薦時始因風出當夏蟲之疑日忽自天來煩

暑迎銷清飈隨至白居易謝賜冰啓

圓折之時初疑破鏡亂流之處盡若迴潮韋充東風解凍賦

翻光倒景擢茵蔯於湖中舒艷騰暉攢蛺蝶於天畔前人

餘霞散成綺賦

紫霧上河絳氛下漢白日無餘碧雲捲半冰學金波石  
似瓊岍赤蛻電出蚴蚪神驤江淹赤虹賦



節序類

北斗周天送玄冥之故節東風拂地啓青陽之芳辰梅

花舒兩歲之裝栢葉汎三元之酒飄飄餘雪入簫管以

成歌皎潔輕冰對蟾光而寫鏡大簇正月節應佳辰時登令

月和風拂迥淑氣浮空走野馬於桃源飛少女於李徑

花明麗月光浮竇氏之機鳥哢芳園韻響王喬之管夾鐘

二月景逼徂春時臨變節啼鶯出谷爭傳求友之音翔藥

飛林競散悅人之鱖魚遊碧沼疑呈遠道之書燕語雕

梁恍對幽閨之語鶴帶雲而成蓋遙籠大夫之松虹跨

澗以成橋遠現美人之影始洗三月梁昭明啓



出麗華之金屋下飛燕之蘭宮肩將柳而爭綠面共桃  
 而競紅影來池裡花落衫中吹簫弄玉之臺鳴珮凌波  
 之水苔始綠而藏魚麥纔青而覆雉芙蓉玉盃蓮子金  
 栢新芽竹筍細核楊梅玉管初調鳴絃暫撫更炙笙簧  
 還移箏柱月入歌扇花承節鼓協律都尉射雉中郎停  
 車小苑連騎長楊庚信春賦  
 金門細管未動春灰石壁輕雷尚藏冬蟄前人  
 玄鳥司曆蒼龍馭行羔獻冰開桐華萍合前人三月馬射賦  
 水篩空而照底風入樹而香枝望初篁之傍嶺愛新荷  
 之發池石憑波而倒植林隱日而橫垂見遊魚之戲滌

聽驚鳥之鳴雌樹臨流而影動巖薄暮而雲披梁簡文帝晚春賦

五醫銷空韶光表節百華異色結彩成春前人

上巳屬辰餘萌達壤吹發松枝聲流嶰谷舞艷七盤歌

清六變結軫方衢飛軒照日前人三日曲水詩序

日似青緹雲浮紅藥元帝

浮棗絳水酌酒醲川杜篤祓禊賦

飛輪颺起良馬電驚朝雲挺葩夕霞抱月夏侯湛禊賦

采騎齊鑣華輪方轂集乎長洲之浦曜乎洛川之曲停

輿蕙渚稅駕蘭田朱幔虹舒翠幙蜺連漱清源以條穢



攬綠蒸之織柯浮素妝以蔽水洒玄醪於中河張協洛

漢崇元已齊日上遊宋璟表

鷺鳥感仁而革性鷓鴣乘化而變聲麥芄芄而含秀桑

藹藹而敷榮湛方生懷春賦

青陽司候勾芒御辰暮豐葉以為幄靡翠草而成裯謝萬

春遊賦

玉燭開年金儀應曆軒律風暖羲輪馭逞薛逢

節角朱明晷鐘丹陸依依聳蓋俱臨帝女之桑鬱鬱丹

城並挂陶潛之柳仲呂四月麥隴移秋桑律漸暮蓮花汎水

艷如越女之腮蘋葉漂風影亂秦臺之鏡凍雨洗梅樹

之中火雲燒桂林之上魏賓五月三伏漸終九夏將謝螢飛

腐草光浮帳裡之書蟬噪繁柯影入機中之鬢林鐘六月昭明

啓

日移東井律應南風正陽為納慶之辰長羸表文運之

節李嶠端午謝賜表

節推戴禮日著漢儀艾人遠具於歲時角黍近標於風

土李商隱端午表

祝融司方朱明屆序積歆蒸於簾櫳流煩縟於園籞雲

車錯轂麟馬齊鑣入雲宮之嚶嚶登山觀之岿巖引雄

風於洞穴承清露於丹青動颼颼於翠帳散霏微於綺



寮盧思道納涼賦

扇漸秀於梅風潤岐苗於穀雨雜芸黃於綠野叅蕭殺

於朱明疇中氣爽壟際風清矯微陽於修景溥寒露於

芳甸雲標峰而勢詭氣澄商而節變葉幄垂秀條帷泛

光鶯傳枝而裏娜蜂散蕊而芬芳許敬宗麥秋賦

星見蒼龍日纏朱鳥桑翳葉而眠蠶麥飛芒而雉崔融

素商驚辰白藏屆節金風曉振偏傷征客之心玉露夜

凝直泫仙人之掌桂吐花於小山之上梨翻葉於大谷

之中夷則七月黃花笑冷白羽悲秋既傳蘇子之書更泛陶

公之酌南呂八月金堤翠柳帶星采而均調紫塞蒼鴻追風

光而結陣無射九月昭明啓

雲既淨而天高潦將收而水潔凝珠露以淒冷鏡青山

之混澈燕違幕而巢空雁驚群而行絕映金波之皎潔

明玉繩之燦爛看夜鵲之繞枝望牽牛之隔漢蓮尚香

於江浦草猶青於河畔虞世南秋賦

草色雜而香同樹影齊而花異雲出山而相似水含天

而難別元帝臨秋賦

兔月先上羊燈次安觀牛星之曜景視織女之闌干秦

姬麗妾趙艷佳人窈窕名燕逶迤姓秦嫌朝妝之半故

憐晚拭之全新縷條繫而貫矩斜鼻細而穿中庾信七夕賦



槎客河低鉞樓月落分一筵於俄頃解雙袂於今昨孫顏

前題

煙棲碧樹露濕銀塘結遙情於漢陌飛永睇於霞莊海

人支石之機江女穿針之閣王勃前題

朱明送夏白藏迎秋玉露夕流金風時扇梁昭明

青蓮吐而非夏頰果搖而不寒映以甘泉之玉樹冠以

承露之金盤少君王子掣曳兮若來玉女瑤姬翩翻兮

必至五色成文若榮光休氣發彩於重雲三光壯觀若

合璧連珠耿曜於長漢楊炯孟蘭盆賦

送晨暉於西嶺迎夕景於東谷夜既分而氣高風入林

而傷綠謝琨秋夜長賦

節屆玄靈鐘應陰律愁雲拂岫帶枯葉以飄空朔氣浮

川映危樓而疊迥應鐘十月日往月來灰移火變虹入漢而

藏形鶴臨橋而送語彤雲垂四面之葉王雪開六出之

花黃鍾十一月嚴風極冷苦霧添寒冰堅漢地之池雪積袁

安之宅大呂十二月月照明啓

乾坤資始上元開曆象之端日月還流朔旦正璇衡之

本階奠循晷阿鳳吟辰裁炎涼於玉瑄節雨露於金渾

許敬宗賀朔且冬至表

行看北斗已落於巖城坐待春風方期於解凍喬琳大難賦



璿籥環璣鳳司肇律觀斗辨氣玉琯移春

簡文謝新曆表

登臺視朔觀雲物之必書拂管移灰識權衡之有度初

開卷始暫謂春留未覽篇終便傷冬及

庚肩吾前題

纔窺幽室已見飛灰雜候清臺仍看合璧候耕耘之節

非藉杏花直昏且之期詎須冀葉

李喬神龍曆序

銅史司刻金徒抱箭月不遁來日無藏往

陸倕漏刻銘

宮槐晚合月桂宵暉清臺莫爽解谷胥依七分六日五

祀三微碧海有乾絳川猶竭

元帝前題

箭水無絕靈虬長注經寸日輪四分天度

王褒前題

二分二至行於司曆之官九變九成被於和樂之職節

移陰管母勞河內之灰氣動陽鐘不待金門之竹

庾信上王

律表



嶽瀆類

東垂曰秦南服稱衡西戎所擅北狄標名

張正見  
賦

玉斗璇璣李母之居鄰北極金臺石室王母之宅在西

山華胥履跡而雄氏孕女登感神而炎運作星流華渚

而白帝生月貫幽房而黑精降鸞川之上母變空桑豚

木之濱男生破竹美人之虹名蟠螭仙婦之月作蟾蜍

精衛銜木而償冤女尸化草而成嬪山崩蜀道臺候婦

而無歸石立武昌亭望夫而不及周穆王來遊太室先

徵夏啓之居漢武帝有事嵩丘卽訪姒開之石銘壇遷

迤斜分玉女之臺碑闕相望近對石人之廟金草生而



五色貝樹長而三花仙人在棟神女臨牕周施玳瑁之  
 椽徧覆琉璃之瓦蘭香夾水居然洗沐之資竹帚臨風  
 自隔囂塵之境夢臺雲雨宋玉對而先驚楚壁山川屈  
 原書而幾倦金真拂座玉女焚香孔雀飛而儀鳳舞弄  
 玉邀歡駟車合而羅綺陳智燮陪宴麻姑服道變海水  
 而來遊織婦希風填河津而下謁崔融嵩山啓母廟神  
 少女宅於西宮夫人館於南嶽山臨白岬空聞石室之  
 靈浦對青崖獨有金臺之異珠簾玳匣上高閣而三休  
 金柱銀楹出長廊而中宿河庭貝闕俯瞰馮夷之都洛  
 水瑤壇旁臨宓妃之館軒轅之訪大隗先求牧馬之童

太一之徵少君直下乘龍之使天孫忽降暫停支石之

機神女相歡即起投壺之電楊炯少室山少娛廟碑

境接青疇俯瞰獲麟之野山開翠屺斜連辨馬之峰賈

王封禪表

萬壑收暝千巖送曉丁春澤日觀賦

石合古色泉落秋聲仙草殊品靈花異族達奚駒華山賦

雲拂石牀霓裳可接風過松嶺仙駕如聞海絕瀛洲天

遙玄圃張說太華山碑

嵐光西向猶連松栢之聲黛影中開已斷雲霞之色關圖

掌上蓮峰賦



星壇未沒必俟於捧持石鼓常鳴庸非其拊搏前尹樞題

日輝石瓦東眺靈壽之峰月蔭玉牀西瞻華蓋之嶺元帝

南嶽九真館碑

西窺劔閣霜地表之千鐔東瞰蓬萊黛波間之數點周鍼

登吳嶽賦

派別八溪流分九谷銅梁四柱石闕雙聳青綺春門溝

渠交映綠槐秋市舟楫相通運石丹泉纔通櫟陽之殿

穿渠谷水直繞金墉之城桂月危懸風泉虛韻庚信終南山義

谷銘

東瞻洪井識曳帛之在茲西望石梁見指寶之可拾梁元

帝廬山碑

越扶嶼之細漲上增龍之合流鼓蘭柅以水宿杖桂策

以山遊謝靈運羅浮山賦

文星亂石藻日流堦吳筠八公山賦

丹霄出日俯拍雲霞清漢無波下看星月天花覆地積

雲交輝梵響乘虛遠山相荅李邕五臺山寺碑

高不概雲深無藏影卑非培塿淺異棘林秀壁數尋被

杜蘭與苔蘚椿枝十仞挂藤葛與懸蘿曲澗潺湲修篁

蔭映路若絕而復通石將頽而更綴顧野王虎丘山序

森壁爭霞孤峰限日吳筠石門山



峰如雪委嶺若蓮生雲除紫蓋霞通赤城鳳依桐樹鶴  
聽琴聲殿接南箕橋連北斗秋河從帶春禽銜綬朱鳥

安牕青龍作牖

梁元帝山牕

三秋雲薄九日寒新真花暫落画樹長春壁繞藤苗牕

懸竹影菊落秋潭桐疎寒井

庾信至仁山銘

峰因五婦石是三侯樹裡聞歌枝中見舞

前人望美人山銘

石名新婦樓學仙人比花依樹登榭要春

前人吹臺山銘

總葉成帳連枝起幕隱士彈琴仙人看博巖留故鼎竈

聚新荆煮石初爛燒丹欲成

庾肩吾玉帳山銘

翠幔朝開新救旦起樹入牀前山來鏡裡草綠衫同花

紅面似天縹劇藕蝶粉多塵橫藤礙路垂柳繫人

前人

山銘

迢迢峰長威紆嶽聚緝色斜臨霞文橫

簡文明月山銘

風生石洞雲出山根霜曉唳鶴秋夜鳴猿堤梁似堰野

樹疑村船橫埭岬樹狹津門

庾信前題

丹谿繚繞璇樹玲瓏逕分餘雪嶺界斜虹流花縵景清

籟嘶風鶴歸繞薜鳳下標椅岬依注蘚池涵卷菴

唐高宗玉

華宮山銘

絕壁千天孤峰入漢

吳筠鄣縣青山

露溽池臺烟霏林藥葉新抽而不樹花散植而無藂雜



當牕之帶柳交約砌之珪桐

充容徐氏  
小山賦

多岐在於亡羊齊物同於指馬

丘鴻漸愚  
公移山賦

鳥道乍窮羊腸或斷雲如鵬翼忽已垂天樹若桂華翻

能拂日異嶺共雲同峰別雨

庾信麥  
積岷銘

舒丹霞於九折混白露於三危韜神弓於射的產利劔

於昆吾魚躍湘鄉之孤雁浮平固之湖隨山鵲之金印

碎驪龍之寶珠精衛取而填海天孫用以支機隨西王

而不落傍東武而俱飛

張正見  
石賦

佳人擣練織女支機盈尺則內含明月膚寸則外吐浮

雲

鄭惟忠  
古石賦

素文玉潔若瓊樹之華滋玄質碧鮮擬翠微之遠色雖

復霞標冠嶽暉鏤詠於介丘海鏡浮山昭列名於稽岳

上官儀賀  
瑞石表

馳鴻瀨以漂鷺翼飛風而迴翔曜金璆以為闕次王石

而為堂松子坐於東序王母處於西箱

班固覽  
海賦

出日吐星天與水際

王粲遊  
海賦

群溪俱息萬流來同含三河而納四瀆朝五湖而夕九

江

潘岳  
海賦

歷二周之北境流三晉之南鄉秦自西而啓壤齊據東  
而畫疆殷徒涉而求固衛遷濟而遂強趙決流以却魏



羸引溝而滅梁成公綏大河賦

汪彼四瀆媚此雙川伏靈遙紀闕貺遐年澄源崑嶽鏡

流蔥山泉室凝澱水府清涓鮑照河清頌

襟帶晉衛領袖齊秦龍門誕溜積石傳津飛書曝瑞龍

圖照神張暢前題

總括漢泗兼包淮湘并吞沅澧汲引沮漳源二水於岨

峽流九派於潯陽長波浹滌峻湍崔嵬盤渦谷轉凌濤

山頽陽侯破礮以岍起洪瀾泥演而雲迴嶺如地裂豁

若天開經紀天地錯綜人術郭璞江賦

雲沉西岫風蕩中川馳波鬱素駭浪浮天謝朓楚江賦

注天波於析木歛東極於扶桑庾闡涉江賦

決出元氏之鄉濫流桐栢之下始經營於赤位終散漫

於炎野杜臺卿淮賦

導源桐栢長邁蓬萊標四瀆而引百川檀五林而舍七

德薛道衡祭淮文

靈祠嶽立具闕雲浮姬羸分國河渭合流桃花春水靈

草孤洲榮光離合雲氣徘徊水仙遺操津吏餘杯波息

川后浪靖瞻臺王褒四瀆祠碑銘

曉川漾碧似日御之在宿河夜浪浮金疑月輪之馳水

府江總天淵池銘



織波成止水之源拳石儼干霄之狀仰瞻赤嶠傍窺黛  
壑複嶂烟迴攢溪霧錯規疊巘於盤龍憲飛泉於挂鶴  
覆簣而紫巖磴浮芥而環川岬岫蘊玉而虹驚浦涵珠  
而星落扈岑漏景曲渚留寒高松偃鶴清篠鳴鸞激坳  
堂於別淑引膚寸於危巒花鳥縈紅蘋魚漾碧

王勃九成宮山

賦池

甘州浴日跳波邁椒丘之野湯谷揚濤激水疾龍門之  
箭白磬上徹丹砂下沈谷神不死川德愈深

王褒温湯碑

咸池浴日先開綠甲之圖砥柱浮天始受玄夷之命仲  
春則榆莢同流三月則桃花共下其色變者流為五雲

之漿其味美者結為三危之露烟青於銅浦色白於鉛  
谿秦皇餘石仍為雁齒之堦漢武舊陶即用魚鱗之瓦  
山間湧水實表忠誠室內江流彌彰純孝醴泉消疾聞  
乎建武之朝神水蠲痾在乎咸康之世嵩山三仙之館  
不孤擅於天池華陰百丈之泉豈獨高於蓮井

庾信前題

船如翔鶴時度宓妃橋似牽牛能分織女畫船向浦錦  
纜牽磯花飛拂袖荷香入衣

梁元帝牛渚磯碑



方輿類

豈問千秋自識烏桓之地脫逢壯武方著博物之書

梁昭

明謝地  
圖啓

周以龍興秦以虎視

班固西  
都賦

土映黃旗之景巒吐紫蓋之祥巖棲赤松之館岫啓縉

雲之堂

庾闡楊  
都賦

踐華固德百二稱乎建瓴卜洛歸仁七百崇乎定鼎宅

帝之鄉獨稱都於四塞里王之邑匪建國於山川

唐太  
宗建

東都  
詔

遠屬荆衡近綴岷嶓南通邛棘北達褒斜狹過彭碣高



踰嵩華張載劍閣銘

立巨衡而舉追氏縋懸纒以下梓人獲垂絕冥鳥傍危

岑鑿積石以金力梁半空於木棚斜根玉壘傍綴青泥

截斷岸以虹矯繞翠屏而龍蜿歐陽詹棧道銘

狗肘還勾羊角互戾潘尼西道賦

江標峻棧之形呀然地裂闕斷高峯之色驕若天開陳山

甫五丁開蜀門賦

或功侔攀嶽掃氛稜以將清或力並觸山缺穹蒼而未

補侯圭割鴻溝賦

巨防宵扃倚洪波而作鎮重扉擊拆連太華而為城張

逆關賦

千巖作鎖萬嶂為栓皮日休藍田關銘

緘藤甸服扃鎖王畿雖聖朝無外何假於關防而帝里

宅中宜察其出入白帖

臨淮作守白鹿隨而忘返蕭令解綬黃雀從而歸况

復衛卒遮車追民擁榜不容近違孔奮遠逐曹叅簡文移市

教

張楷碩儒尚移弘農之市宜宮妙篆猶致酒壚之客王

充閱書之處遠出荒郊石苞販鐵之所翻臨涯听吹簫

舞鶴還反舊鄠賣卜屠羊請辭新闡庾信荅移市教



濤如白馬既礙廣陵之江山曰金牛用險梅湖之路專

州典郡青鳧赤馬之船皇子天孫鳴鳳飛龍之乘莫不

欣斯利涉玩此修渠

徐陵丹陽路碑

辰象昭回天江臨乎析木鬼神幽助海石到乎扶桑停

杯渡河羽毛填塞引弓擊水鱗甲攢會架海維何浮鼉

役鵲

張嘉貞石橋銘

石鞭海上鎖鍛河中橫漢飛鵲規天拖虹

張說前題

羅浮二岳以風雨合離蓬萊五山以浪潮上下莽莽蘆

渚寧非止水之餘嘖嘖石林猶有補天之色驪山之銀

海魚燈虎丘之金精龍劔

喬潭女媧陵記

漳水千波巴山萬嶂接漏天之雨露隔嶙冢之煙霜皓

月圓時樹有何依之鵲悲風起處巖無不斷之猿

徐陵

以居趙信仍名趙信之城殿入蕭何即號蕭何之殿

庾信

分襟帶於銅梁束咽喉於劔閣

王融

秦關漢閉雖阻荷戟之虞魏塞晉通終因束馬之利荆

門千里蜀置永安之宮巴水三廻吳阻夷陵之縣巫峽

使君之灘滄波冷沒陰平督郵之道棧徑威紆路阻蠻

販途橫夷落南泊夔道西通夜郎內憑玉壘外阻銅梁

介視荒服斗絕邊疆

王褒

天有井絡地稱坤維控三巴百濮之雄帶南詔西山之



險人稱與府帝謂殊藩李帝

邊徼類

馬銜首蕭嘶旋故墟人獲蒲桃歸種舊里劉孝儀

玉關罷堠紫寒沈烽簡文

胡霧連天漢旌拂日時聞塢笛遙聽塞笳或鄉思悽然

或雄心憤薄前人

觀犀角則見朱嵯聞蒲桃則通大宛元帝

風生稽落日隱龍堆瀚海飛沙阜蘭走雪還望塞亭來

依堠火傍觀上郡側眺雲中前人

越裳藐藐馴雉北飛肅慎茫茫風牛南偃王勃

太康之始據有黃龍孝昌之初奄荒玄菟自非名陵孤



竹聲振沉黎豈得南至穆陵西登積石幸無白虎之患

寧待黃龍之盟馬邑星飛龍城月動信庚

地似伏龍城如飛鳥燉煌實錄宛在胸襟玉關亭障無

勞圖画前

疆場臥鼓邊鄙收烽風塵暫接旗鼓無侵前

子卿北海伏波南川金河別雁銅柱辭鳶關山天骨霜

露彫年盧照

霜犯鬢而先白塵染顏而少紅呂令

帳下美人醉舞胡筵之夜天邊戍客行歌隴月之秋恨

旄頭而夜夜長懸怨羽檄而年年不息公孫

### 君德類

陶唐啓國致玉版於河宗顓頊承家佐金天於江水經

綸草昧定鼎之業居多締構權輿斷鼉之功相半徐

封唐有聖還承帝嚳之家居代維賢終纂高皇之祚出

震等於勛華鳴謙同於旦奭尅李軼於河津征陶謙於

海岱滕公榘樹雄氣方嚴張繡交兵風神彌勇星躔東

井時破嶠潼雷震南陽初平尋邑楊龍旂以饗帝御鳳

展以承天前

季馳玉節之使歲降銀車之恩前

天降玄鳥既序孝經河出應龍乃弘周易御紙風飛天



章海溢紫庭黃竹之辭晨露卿雲之藻前人

體天御宇望日表尊鳥革玄素之容草移丹綠之狀泉

露改味日月重光沈約

皇源浚遠帝寶連暉前人

德茂始蒙之主道冠初耜之君前人

翦應龍於冀州戮長蛇於沮水榮光之瑞昭回延喜之

寶潤色謝朓

牢籠天地彈壓山川元宰比肩於尚父中鉉繼踵乎周

南挈壺宣夜辨氣朔於靈臺書笏珥彤紀言事於仙室

一尉候於東西合車書於南北雲潤星輝風揚日至江

海呈象龜龍載文王融

經天緯地構紫靈之符偃海調風降黃旗之祚平鴻之

后卷迹慚靈崆峒之君歛功謝德軼夏跨商洗周滌漢

江淹

停若鏡之明流如雲之愛前人

星樞發祥電光啓命神冊天開雄略世出皇彝有文朝

采方藹頻煩金紐左右緹蓋火職咸允雲官亦熙暨臯

乃益匪稷伊夔前人

威書壁誥既信其綵綠鱗丹字彌驗其文業藹鴻經則

燿露呈炤精昭景緯則川嶽發華前人



樞電皇根月瑤國緒胤裔丹陵蟬聯華渚潯露飛耳舒

雲結慶丹雲承日素景騰星

謝莊

黃旗西指紫蓋東輝納瑞螭玉升政衡機金輪豹飾珠

冕龍衣闔外水鄉鄣表炎國隴首西南渤尾東北赭赭

嶺丹渾渾泉黑狼歌薦功鳥談陳德垂光九野騰響四

遐輔車鼎足磐石虎牙世匹周室基永漢家

鮑照

崇文德於緝熙濟武功而保定應天鑒之昭華荷帝祐

之休命步玉衡以觀八方在璇璣而齊七政

陸雲

龍飛黑水虎步西河雷動雲驅天行地止命旅致屯雲

之應登壇有降火之祥

陸倕

凝威黑水表瑞丹陵膏露凝枝慶雲觸石山開蒼壁地

出玄珪文終所牧之典史倚所讀之書無輟萬幾日且

千遍

元帝

建翠鳳之旗則六龍驤首擊靈鼉之鼓則百神警肅風

牧方召之賢衛霍辛趙之將叱咤則風雲興起鼓動則

嵩華倒拔

前人

德尚昊軒功造媯姒經天曰文止戈為武

顧野王

應錄馭天披圖受命白環表讓德之符玄珪告成功之

瑞水建千年山稱萬歲

庾信

世屬殷周時逢楚漢天下三分鴻溝一半日乃再中天



成兩旦前

九州既奠近對河圖四轍中繩全觀金策未飛玄鶴先

聞金石之聲不上赤城獨見烟霞之氣置管而測光景

愈高沉玉而觀淵泉益遠前

軒轅得姓存者二人高祖五王代實居長沈

雕雲布族祥星結樞翠龜負字赤雀銜書天井玉露地

秀金芝前

御六氣於天樞頓八絃於地絡王

玄黃蕭索之暉丹紫輪囷之狀唐堯沉璧氣合金方姬

后望河形如車蓋前

河榮洛變授祉於勲華玄玉素鱗降靈於湯武微禽弱

草改狀移形夜宿朝雲呈光動色盧思道

惟木從繩若金須礪唐堯建鼓思聞獻替之言夏禹懸

鞞時聽箴規之美家傳盛德武王承季歷之基地啓元

勲世祖嗣元皇之業篤生白水日角之相更彰載誕丹

陵天表之文斯著文王厄於羗里赤雀方來高祖隱於

碭山彤雲自起聰明神武齊聖廣淵備七德以在躬包

九功而挺出李密

龍顏日角顯帝王之符電影虹光表乾坤之瑞唐太宗

漢文提鳥少小留心晉武焚裘生平措意唐中宗



三微固祉五曜垂文  
滴露飛其卿雲呈綯褚遂良

邁吞燕之生商軼擾龍之肇漢許敬宗

天靈之萬八千歲姬周之三十六王李百藥

珠聯寶系海浸昌源徐彦伯

五蹄仁獸樂君囿以來遊六翼威禽拂帝梧而萃止巡

河受檢拜洛披圖降五老於星躔歸四神於雲路吳師道

松軒夜警杳冥姑射之心茅殿晨凝寥廓峒山之駕王勃

川分帝子控鯤壑而疏源嶽動天孫擁熊山而列鎮前

黃精吐瑞潛龍苞象帝之基紫氣頽祥鳴鳳呈真王之

表環四瀛於舜抱漏蟻覃津棲十景於堯衿巢螟荷照

前

睿德緯天神功光表截海班朔益地延圖垂衣視典探

群玉之幽曠虛已緣情動兼金之歌詠上官儀

三監作難周王未寢於頌聲七國為災漢帝克臻於刑

措崔融

龜易八卦龍書九疇文含玉律字吐金鈞鳴絲鶴舞調

箭援愁集賢榜殿花萼名樓得一神凝吹萬性辨張說

虵軀之變媧后蛟影之隨漢皇伏牛之主是曰犧皇名

鳥之君仍題紀法李嶠

握河開曆截海凝圖前



想蛾眉之碧峰豫遊西蜀追綠耳於玄圃保壽南山張

彰美寶圖類堯年之河出延長聖曆齊漢代之山呼狐令

楚

韓信彭越深明帝子之符孫述隗囂妙識真人之出漢

南諸國見一面以從殷河西將軍率五郡而臣漢李德裕

萬國仰登封之禮五山傾望幸之祥鯨至鷄來茅歸楮

入馳湯驟夏轡漢陵周李商隱

因夢吹塵方求風后子畋問卜始載磻溪事偉於王圖

道光於帝載崇基立極四足雖斷於神鼈開物成功七

竅仍霑於混沌前

太山梁甫以來卽有七十二代龍圖龜書之後又已三

千餘年二十八宿止餘吳越一星千二百國裁漏麟洲

小水庾信賀平鄴都表

易有四營金牙爲壽考之象詩有六義玉齒載神仙之

謠還年而編貝不虧却老而瓠犀仍出亦有堅而不脫

聞於導養之方落而更生得自靈飛之散李嶠賀聖躬新牙更生表

軒轅神仙然後夢華胥之遊秦穆疾寢然後享鈞天之

樂日臨黃道萬物皆榮帝御紫宸千官畢賀元稹賀聖體平復受

朝表

律歷著微無煩於太史陰陽晷度躬定於天官故得叅



考八音研精六代封晉魏為二王序殷周為三恪雖服  
朱干玉戚尚識典刑素鞞纁裳猶因雄據未若山雲特  
起八卦成形鳳皇于飛九州觀德聲合擊石更入登歌  
調起初鐘還叅玉管齋居玄邕為曲在於雲門師渡盟  
津習舞歸於山立庾信賀新樂表  
喜遐陬之霧廓且覲歸牛欣大厦之天臨方同賀燕李嶠

賀新殿成表

玄龜負卦繇表軒功朱鳥銜書兆彰姬籙樞電效祥星  
虹授彩彤雲澹景標映龍顏瑞火流光發呈鳥跡若乃  
馬遘堯壇鳳御虞冊麟遊吐字頗涉劉邦葉蠹為文纔

稱病已玄石降徵於典午赤伏錫命於炎精

上官儀賀端石表

考皇圖於金冊搜瑞典於瑤編則有蟲蠹成文魚鱗吐

匣丹書集於昌戶綠錯薦於堯壇

李嶠前題

漢宮流赭遂出於王臺軒后飛黃俯回於馳道

前人謝賜馬表



蘇詩曰：古不制，濟效典，千表升，嚴命付炎，蘇詩：土官，新實。

宸幸類

桐花未吐，孫枝之鸞鳳相鮮，雲氣何多，宮井之蛟龍亂。上園陵動色，濯在藻之泉魚，弓劍皆鳴，汗鑄金之風馬。

社前朝享太廟賦

月窟黑而扶桑寒，田燭稠而曉星落，雲齒齒以張蓋，春

歲蕤以建杓。前人行事南郊賦

萬騎天行，千乘雷動，石鏡犀衣之士，連七萃而雲屯，珠

旗日羽之兵，亘五營而星列，日曜彤精，天澄翠色。簡文南郊

頌

備天官以周衛，盛輿服以巡遊，禋六宗而報上帝，班五



瑞以朝諸侯

岑文本勸封禪表

徵萬玉以警塗詔八神而弭策藉江茅而陳鄙黍飾蒼

璧而奠黃琮

高若思前題

千八百處未常遊玉女之臺七十四家不能幸仙人之

洞漢武止聽三呼晉炎但誼群議龍駕帝服背河洛而

上圻星陳天行指輟嵩而東邁石芝生而五色貝葉長

而三花埋玉報地燔柴告天

崔融請封中嶽表

朱旗列而秋野生春金甲照而暮川增曙

李子卿駕幸九成宮賦

因銅雀之稔季命玉鸞之仙軫涓時擇日屯萬騎而出

函秦省俗觀風撫四人而還鞏洛廻鑾駐蹕觀十月之

圍場闢續凝旒問百年之疾苦

李嶠請車駕還洛表

陳洛飲之禮具上巳之儀南除輦道北清禁林左關巖

隘右梁潮源游泳之所攢萃翔驟之所往還闕水環堦

引池分席揚袂風山舉袖陰澤靚粧藻野袷服縵川情

盤景遠歡洽日斜排鳳閣以高遊開爵園而廣宴

顏延之曲

水詩序

夏后兩龍載驅璿臺之上穆王八駿如舞瑤池之陰負

朝陽而玩殿跨靈沼而浮榮鏡文虹於綺疏浸蘭泉於

玉砌緹帷宿置帟幙宵懸滅宿登霞澄光辨色戒道執

爰展軫效駕徐鑿警節鳴鐘暢音七萃連鑣九旂齊軌



魚甲煌聚貝冑星羅

王融前題

堯以仲春之月刻玉而遊河舜以甲子之朝披圖而巡  
洛夏后瑤臺之上或御二龍周王玄圃之前猶駮八駿  
千乘雷動萬騎雲屯落花與芝蓋同飛楊柳共春騎一  
色鐘鼓振地埃塵漲天綵則錦帳俱移錢則銅山合徙  
春吏司職青祇效祥徵萬騎於平樂開千門於建章翊  
四校於仙園翹六龍於天苑華蓋平飛風鳥細轉帷宮  
宿設帳殿開筵傍臨細柳斜界宜年河漭雜草渭口澆  
泉棚雲五色的暈重圓陽管既調春絃實撫玉律調鐘  
金鐻節鼓並試長楸之埒俱下蘭池之宮鳴鞭則汗赭

入埒則塵紅變三軀而画鹿登百尺而懸熊弓如明月  
對棚馬似浮雲向埒雁失群而行斷猿求林而路絕六  
郡雄才五陵高選新廻馬邑之兵始罷龍城之戰尚帶  
流星猶乘奔電始聽鼓而唱籌即移竿而標箭水衡之  
錢山積織室之錦霞開

庾信三日馬射賦

儀

姬駿長驅奉玄池之廣宴似龍遠鶩陪樂野之宣遊

上官



宮壺類

步動雲桂香飄霧縠漢水贈珠人間絕世洛神拾翠仙  
處無雙風流行雲窈窕初日聲高一笑價起兩環桂殿  
凝香蘭房侍寵借班姬之扇未拚驚羞假蔡琰之文寧

披練戴

紅總

恭膺禮命愧集丹縷之顏拜委曲私愁縈翟羽之色魯

宮夜火伯媛匪驚楚榭奔濤貞姜何懼象服增華丹駟

耀采兢惶並集追想流苻之詩荷遽相并遂失鳴環之

節

前

軒轅乃神西陵以之作台夏后至聖塗山於是來嬪

子温



紫氣上通瑤臺獨立楚宮選美納良袂於神雲漢掖求

才進團扇於明月說張

蘭質幽閒茗華婉麗柳絮題詩椒花獻頌旣彰絕代之

姿雅叶良家之選瑤臺入寵金屋流芳映月幌而方娥

上星樓而比發春風轉蕙秋水開蓮承恩玉殿侍宴瓊

筵常掖庭累行詎無白燕之徵簡策正名宜受金螭之錫錢

唐女嬪媯書叙釐降之美周姬適齊詩詠蕭雍之歌潘

啓太微之層構闔闔之重扉崑山西峙爰有夜光漢

水東流是生明月自然秘遠若上元之隔絳河直置清

高類姮娥之依桂樹温子

鳳皇樓上宛符琴瑟之歡烏鵲橋前載叶松蘿之契宜

單茅土式廣山河唐中

娥靈襲彩女曜聯英戒環珮於中閨邑山河於外館山

桂含芳而逼人階蘭吐秀而驚俗漢賜黃金還依膝下

隋珍明月再入掌中宋之

主家外幸比齊后而聯恩子壻中叅與趙王而均禮張

天妹申慈忝扶桑之瑞萼王姬藉寵竊穠李之奇葩榜

懸金字分衢離異之宮路夾銀河並列星辰之位李

宮壺



門題金榜家振玉簫繡轂雕軒結徹於平陽之第青巾

紫綬交錯於沁水之園李迥然

晴霜拂禁曙月彎空鼎胤中榮天枝外秀封敖

祥開銀漢秀發金枝蔣伸

周王璧臺之上漢帝金屋之中玉樹以珊瑚作枝珠簾

以玳瑁為柙五陵豪族充選掖庭四姓良家馳名永巷

弟兄協律自小學歌少長河陽由來能舞琵琶新曲無

待石崇筵篋雜引非因曹植傳鼓琴於楊家得吹簫於

秦女寵聞長樂陳后知而不平画出天仙閔氏覽而遙

妬東鄰巧笑來侍寢於更衣西子微頰得橫陳於甲帳

陪遊馭姿騁纖腰於結風長樂鴛鴦奏新聲於度曲妝

鳴蟬之薄髮照墮馬之垂鬢反插金鈿橫抽寶樹南都

石黛最發雙蛾北地臙脂偏開兩靨嶺上仙童分九魏

帝腰間寶鳳授歷軒轅金星將婺女爭華麝月與姮娥

競爽驚鸞冶袖時飄韓掾之香飛燕長裾宜結陳王之

珮雖非圖画入其泉而不分言異神仙戲陽臺而無別

天情開朗逸思雕華妙解文章尤工詩賦琉璃硯匣終

日隨身翡翠筆床無時離手清文滿篋非唯芍藥之花

新製連篇寧止葡萄之樹九日登高時有緣情之作萬

年公主非無累德之詞椒房宛轉柝館陰岑絳鶴晨巖



銅蠡晝靜三星未夕不事懷衾五日猶餘誰能理曲優  
游少託寂寞多閒厭長樂之疎鐘勞中宮之緩箭織腰  
無力怯南陽之擣衣生長深宮笑扶風之織錦投壺玉  
女爲歡盡於百驍爭博齊姬心賞窮於六箸分諸麟閣  
散在鴻都燃脂暝寫弄墨晨書麗以金箱裝之寶軸三  
臺妙迹龍伸螭屈之書五色花牋河北膠東之紙青斗  
帳裡餘曲未終朱鳥牕前新粧已竟開茲縹帙散此緇  
繩永對玩於書帷長循環於纖手

徐陵玉臺集序

### 儲皇類

家丞庶子並入四科洗馬後車俱通六學轉金路而下  
辟雍晬玉裕而經槐市東極長男之宮不獨銘於銀榜  
南皮太子之序豈徒擅於金牌

元帝

居辰北極在日重離

王融

若水渙其長源瑤星躔其永曆含毫落紙動八闕之歌  
謠隻句片言諧五聲之節奏雲飛風起追壓漢帝之辭  
高觀華池遠躡魏皇之什紫臺秘典綠秩竒文羽陵蠹  
書嵩山落簡靡不飾以鉛槧彫以緗素

江總

儀天比峻儷日騰光

王筠



海雷居震春方應守器之禮明兩作離少陽纂重暉之

業王

重紐地維再匡天步麗正離暉推微天啓從曰撫軍侍

曰監國桓榮獻書荀攸觀則文昌著於前星主鬯由於

守器前

摛絢紹天含章挺睿溫文表裕藻清漢於離暉麗則凝

華縟春宮於博望許敬宗

椒庭襲慶耀睿萼於霞莊蘭殿分休湛珠衡於月館黃

離踵曜太陽分鈇樹之暉蒼震游音少海控銀河之色

王

晨趨魏闕則望眼朝霞夕賦梁園則含思澄景蘇頌

西園月上亟聞飛蓋之篇東陸春歸宜聽鳴笳之響前



天潢類

搗藻蕙樓暢藝蘭苑敷積玉於風筵登連珠於月殿兔

園掩秀鄴水慚奇

融王

親則東牟任惟博陸

前人

銅雀始成早攜從后之句栢梁初構首屬駮駕之辭願

託後車以望西園之客攝齊下坐有糝南皮之游

王僧儒

芙蓉之水亟奉西園迷迭之文屬陪南館

庾肩吾

資神昂緯託曜房靈淑貌與金燧相宜清顏與玉壺同

照常譏庾翼使白面之非才深慕曹彰歎黃鬚之為可

徐陵



居藩體國應思馬駿之功論地惟親宜慕曹彰之勇前

蒲桃繞館先開碣石之宮修竹夾池始作睢陽之苑琉

璃汎酒鸚鵡承杯鳳穴歌聲鸞林舞曲况復行雲逐雨

迴雪隨風湖陽之尉既成爲喜之因春陵之侯便是銷

憂之地信度

軒皇受姓十有四人周室先封十有五國開府同於馬

駿秩擬六卿驃騎等於劉蒼位高三事前

軒丘分族異姓者十四人鄴邑建侯宗盟者四十國北

嶽天孫之星燕河帝子之國故多奇節甚茂華風高闕

圖南二王接軫長城拔本十族分源前

居若木之一枝在天漢之別派揚旌玉登驅傳銅陵前

文則河間上書武則任城置陣前

侍講金華叅游銅爵出陪芝蓋入處桂宮刑子

元勳懿德姬從齊魯之封疏爵疇庸漢重韓吳之秩司

勲載其弘烈典冊備其徽章王

雅道貴於東平文藝高於北海崔

析派天潢疏封日觀風儀秀舉神識冲和挺玉質而含

章振金聲而發彩唐

騰華星苑崇名器於藩籬憑暉日御峻寵章於侯服本

枝增蔚鴻緒滋繁汾陽奧區鎮龍山而控遠冀方腴壤



接雁塞而疏疆西園孤月秀心鏡而齊明小山叢桂偃

情田而並烈上官儀

帝子之星憑紫潯而啓耀天孫之嶽峙青路而擣光淮

南之鏡混冲照於髻辰唯陽之藻齊洪曜於綺日綠車

就駕朱邸洞開前人

譽美銅樓名高石室李嶠

東平之子能趨拜咸錫印章齊國之地可割分悉侯支

庶前人

周王之嗣分茅土者十五國漢景之代書簡冊者十三

王錢珣

地維宗子爵列于城庇影椒房之末階親槐里之餘武平

智有刻舟之妙辯多對日之奇叶大牙於漢制光麟趾

於周詩陸辰



振綺類纂卷之二

仕進類

天生宰輔堯年致白虎之祥神賜英賢殷帝感蒼龍之

傑徐陵

佩銀璜於帝側拖紫艾於天庭傅咸

麴孽王風鹽梅帝載簡文

衡石萬幾鹽梅三鉉勝莘占渭出鼎乘箕寅亮帝圖弼

諧邦教李嶠



繁陰初合則傳說為霖媚景將開則趙衰呈日絕路左

之喘牛用驚丙吉無廐中之惡馬以役任安李商隱

孫閣弘開丙茵多怨前

暫辭龍闕來鎮龜城將軍之細柳雖新丞相之鹽梅仍

舊胡曾

虞卿再見為趙上卿荀爽九旬登漢三事鄭薰

佩玉璽於文昌珥金貂於武帳簡文

屬意銓衡留情樞棧燕臺裝玉倘不精真齊客吹竽諒

宜澄簡南郊奉乘當求鄭默之才西省文辭應用羅含

之學徐陵

天列尚書之星地標光祿之塞出身萬里知呂岱之元

勲專命一方識劉弘之重寄庾信

常伯位重霍去病之登朝上將官尊公孫敖之出塞前

明光画省務總樞機建禮仙門職惟喉舌提綱左轄立

維中臺紫樞佇俊彤管須賢宜升賜劔之榮式表委珠

之潔中宗

紫微八座丹屏六曹栢臺憲府高膺弄印之榮芝甸神

州獨著題輿之任臺閣風生權豪氣懾宜加曳履之班

式獎從橋之對前

八座樞機五曹要劇上儀七星之象旁理萬邦之教釐



抄系類纂  
正版圖擾安邦國

李嶠

趙儼之為驃騎正駕單車張湛之為光祿長乘白馬

信廋

扶宗之任典司三禮奉常之選班列九卿

高郢

榮加從袂上清蘭府之遊寵奪攀輪更掌蓬山之務麟

圖緝謚定榮辱於三泉鳴閣裁書考薰蕕於四部鶴鳴

雲路鴻漸星臺

王勃

締華椒閣席寵芝扃粲貂冕於金軒藻龜章於玉署

前人

下神畿而入仙禁未變葭灰自鸞渚而遊鳳池僅彫莫

葉

李嶠

西垣載筆五字非工東觀屬辭兩班難嗣

前人

移曹九棘緩步八磚盛鐵馬於師壇指金貂於騎省

沈珣

揮翰金門諒屬詞華之妙論思玉署尤資周密之才

崔瑒

東序蟻學稱為教化之宮西膠席門實應文章之宿

李嶠

蟬翼身輕未從塵露豹班嚴駕永輟駢駮

蕭子範

朱帷霧撤初停州縣之勞白簡霜飛宜屏權豪之氣

唐中

宗

絳衣近侍秩亞貂蟬青瑣崇班職叅鴛鴦入光振鷺譽

滿三臺出據憑熊聲流十部俾遷榮於皂蓋宜襲寵於

黃樞

前人

棲鳥之府地凜冽而風生避馬之臺氣威稜而霜動位



參持斧職在埋輪履暴勝之清徽乘葛豐之雅烈冠施

鐵柱貴戚傷心花發繡衣奸豪斂手

張鷟

画龍刻鵠非有天才簪犀紐龜因地勢

李喬

珠履瑁簪朝盈望府雞舌豸角暮出行臺

羅隱

珪璋特達通聘河陽貂蟬雍容尋盟漳水

徐陵

左貂右蟬榮冠東省掌壺負璽望重南宮朝夕丹墀揖

讓增價往來青瑣步趨生光

五績

紫微星拱必佇賢臣青瑣雲連實旌奇士宜遷振鷺之

行用集棲雞之地

孫逖

乍簪筆於宸軒復和鉛於綉閣中書肄入寧同著作之

郎相府依棲乃類司徒之掾

羅袞

郎官起草增其應宿之華匠者運斤主其成風之妙

蘇頌

拜郎仙署已題京兆之名為相寵藩式贊河間之美

李堪

然

陸賈皇華定交知於南越長卿披繡通夷險於夜郎

任孝

恭

第五倫之臨會稽躬斬馬草鄧伯道之蒞吳郡自運家

糧竊願巴祗闇坐接客思匹吳隱被絮對賓公孫陞戟

既似井蛙延壽執戈實同兒戲

陸倕

露冕觀風停車待雨百城解印憚朱穆之威千里迎軒



受王基之德信 庾

杜征南之作牧當世樹碑竇車騎之臨戎生年刻石前 八

佩犢帶牛有侔龔遂桑枝麥穗無謝張堪上洛兒童如

迎郭伋商山故老似值劉弘字 文 道

情深借寇戀切思黃許 敬 宗

諸童爭迎郭伋再牧并州百姓願得寇純復臨東郡楊 淵

樂巴典郡山鬼潛移張禹牧州江濤不起前 人

鄧晨一郡漢帝稱為主人李廣數年匈奴號為飛將前 人

理龔遂之亂繩解虞詡之錯節前 人

賈琮以最於十二州頒之以璽書黃霸以甲於二千石

寵之以侯印穆 質

荊州懷仁陶侃昔嘗再理潁川思義黃霸於是重臨李 紳

蕭何鎮靜關中寇恂安輯河內朱 敬 則

訓說則馬季長之居南郡風流則殷仲文之守東陽劉

寵一錢鄧攸五鼓李 商 隱

劉尹秣陵之柳尚有清風召公陝服之棠空留美蔭溫 庭 筠

買臣懷綬郡邸蕭育召拜扶風楊僕三組垂腰蘇秦六

印在手社 牧

謝宣城之理郡不廢謳吟杜元凱之禦戎何妨講讀顧 雲



丁喂牧州陳顧翟之好禮徐靖為郡薦袁渙之篤學桓

範驅傳先舉管寧朱則剖符亦稱董直帝元

王爽之臨益部首薦郡人杜密之理大山先推縣吏數

間螢牖猶存於去獸江邊一葉漁舟尚繫於還珠呀下

隨車在御空懷軾下之熊無翼凌虛更羨燠邊之隼顧雲

習鑿齒之逢宣武三命而踐侍中管公明之謁冀州四

見而登別駕楊炯

桓温之徵謝奕暫為司馬之官周景之禮陳蕃仍降題

輿之命前人

寶曆逢時金章坐忝題輿佐咎無展驥之能剖竹專城

闕懸魚之化陳子昂

化宣千里無勞庾亮之書功贊六條自得應詹之佐李湜

陪去獸而宣風贊還珠而緝化題輿就職行聞仲舉之

風展驥臨人坐振士元之躅王子之臨東海雖未贈刀

盧君之撫南康終其化鶴貞峴

龐士元之展驥終非百里之才王休徵之佩刀實有三

台之望張文成

王弘茂官在治中已恭佐命謝安石身為相掾常切憂

時俱秉國均克諧人望吳融

四方取則孔宣父之踐中都百里非才龐士元之登別



駕楊炯

拔卓茂於密縣顯朱邑於桐鄉陳頽

陶潛作縣自得高人王吉臨邛仍延重客王勃

陶元亮攝官於彭澤道契羲皇陳仲弓歷職於太丘德

符星緯楊炯

魯恭才識坐入司空卓茂賢明行升太傅貞牛千

二京分邑墨綬居官三揖通班黃圖作宰江陵叩頭止

風有驗洛陽強項據地無從唐人

杜伯山之令子大邑傅榮陶彭澤之孤孫西曹受署李商

隱

孔門諸生以蒲莒單父著稱東漢循吏以交趾九真報

政符載

子賤之居茂宰實稟度於邑人何晏之任尚書止關懷

於談客劉光如

九千里之丹鳳始踐王門七十日之黃龍初階郡職黃

綬位輕青雲望重陳子昂

梁竦長懷尚榮州縣桓譚不樂空負琴書前人

君山該博屈伏六安之丞仲舉峻清來從嶧州之辟李迥

然

大司馬桓温之府績用在於元琳大將軍竇憲之曹文



章寄於亭伯楊

間關千里僅為蠻府之叅軍荏苒百齡其作荊州之從

事温庭

分鐵官之瑣吏厠鹽醬之常僚前

光武佐命鄰縣者鄧侯高祖元臣同郡者蕭相徐陵

方衛青之張幕冊重元勳譬韓信之登臺榮高獨拜戶

封八縣恩降寇恂之功邑啓萬家事極曹參之賞庾信

水土之職王梁以應識受徵兵戈之王韓信以登壇獨

拜前

中台在玄武之宮上將列文昌之宿高蟬臨鬢吟鸞陪

軒平陽之邑萬家臨淄之馬千駟前

中軍之司既舉魏絳上卿之佐實用荀林前

甲第高門與絳灌而並烈朱輪翠蓋共吳鄧以齊驅許敬

宗

謀韜玉帳寄重金壇薊門作牧既無東顧之憂榆塞總

兵方釋北乘之慮橫卻月於天街劃長雲於地脉宜列

河山之賞式崇帶礪之榮中

晝巡周衛夜警巖廊既曰瓜牙實稱心腹以磐石之崇

班當執金之重寄威動千廬勤宣五校前

大將軍齊之三公執金吾漢之中尉分黃鉞坐正殿之



前佩橫刀立天子之側朝施勞於旄鉞暮致位於公侯

薛庭珪

西京置一十二列首貫金吾東漢有三十九人多遷玉

鉉李嶠

振鷺翔鸞之客畢湊天階乘箕降昴之英咸趨日路吳師

道

汝穎之金或揚彩於四豪江淮之珠已馳光於七貴江淹

拜中書郎表

龍池沐髮始暢新榮鳳沼躍鱗旋叨後命李嶠讓鳳閣第二表

祈午之為軍尉父已懸車陸抗之將父兵子非綵服呂温

謝男授刺史表

假鳳登朝真龍不馭綠鶴之鼎方憂於折足和鸞之駕

必誠於傾軛傳說作舟之命徒奉箴規仲山補袞之談

曾微荅效謬職之謗或譏於画虎續貂敗官之尤有議

於誼盧吹鵲李嶠災異陳情表

朱蓋乘雲玄軒肅霧墜高天之旨集微臣之軀豈有妄

叨天功虛竊上賞近謬國華坐取隆貴江淹侍中敦勸表

誠愧王尊傾河羨溢德慚呂望恒雨霖霖紫泥佳命降

自雲霄玄澤殊私旁霑草木崔沔謝恩慰諭表

九天之上詔下斯須千里而遙威如咫尺楊陵謝勅書宣慰表







民知約法未肯以獄吏為尊吏識刑名無敢以寒灰相

懼前

圖開籥動行戶苔生載酒屬車幸無冤氣慮囚軍府戎

聽鳴琴前

六等官人師傅崇其匡輔一命作牧侯伯總其專征南

仲成薄伐之功吉甫作來歸之頌正刑糾慝國無宮馬

之倫翦暴詰姦民云歇羊之俗

王

廉平譽號李宣伯之當官雅操繩時山巨源之稱職

王

理龔遂之亂繩解虞詡之錯節

楊

廣州清節酌食泉於石門合浦神君返明珠於漲海

前

揮其鸞刀烹之鶴鼎

崔

卷襜帷於天郡設鈎距於皇州

張

天子授鉞將軍剖符青虵入笥白獸銜冰去持玉節來

執金吾

前

荷戟臨戎屢陪蒼兕之陣題輿撫俗庶清白羊之黨鈎

距闔施旣問羊而知馬網羅潛設亦因魚而得鴻

前



兵戎類

亥甲耀日朱旗絳天

班固

羽校燭日旌旗流星

孫楚

雲興之將帶州颺起之師跨邑哮鬪之群風驅熊羆之

衆霧集

陸机

伏波樓船掩江蔽汜度遼甲卒充野布隰先天蓋世之

畧蕩海拔山之威六師雲起九軍星連蜺旌外江虹艦

中水

江淹

懸旌玉塞貳師尚黜其功伐鼓炎洲伏波猶懼其賞

沈約

吹沙役寇抑自羲年吐霧藏妖聞之堯日

簡文



三尉寢謀六屯罷業同疎勒之守備甚即墨之堅圍六

角摧鋒兩賢釁鼓指揮則破勅敵叱咤而靜邊塵前

去病無出師之勞充國罷議邊之略五律成珍九河如

鏡前

鄧禹文學尚或執戈葛洪書生且云破賊帝元

駟馬之載鴻毛奔牛之觸轡前

屯兵大夏封萬里之侯飛將遼城受千金之賞庾肩吾

搜荆楚之英才資班輸之妙略百樓忽起登雲霄而俯

臨萬弩俱張隨雷霆而並震揚兵於九天之上決勝於

千里之中徐陵

叅聞秘計弗解單于之兵飛箭馳書未動聊城之將前

甘泉通火細柳屯兵前

戊巳校尉西關玉門伏波將軍南表銅柱前

軍陣方圓無勞聚米山川形勢不待披圖長松都尉細

柳將軍庾信

張幕全韓連營上地澗池置陣解鄧禹之圍函谷開關

削王元之印峰旗朝上刁斗夜鳴塞外有夫人之城軍

中有女子之氣都尉青旗即時春色將軍大樹已復花

開前

時增齊竈或臥燕墻井陘之兵如鴻毛之遇火長平之



卒若秋草之中霜

前人

伏劔六軍披圖八陣譬彼張遼前鋒而報魏主方之耿

奔先戰而待蕭王

前人

澆沙聚石之營卻月橫雲之陣彎弧則戟破小枝抽劔

則泉飛枯井

前人

圯橋取履早見兵書竹林逢猿偏知劔術

前人

早擅威聲威多雄烈讀書馬上清談劔端獨運六奇專

精三略身居末將而勇冠旌門位在支軍而謀參幕府

臨晉橫船既擒趙將馬陵削樹復下齊兵名洽中涓功

參上造兵臨河曲前登白馬之津寇發蒲城先戰黃沙

之死

前人

戟中小支禽穿左翼

前人

季方小馬怨結長虵藏兵九地置劔千家雪山埋馬水

河陷車築塞長榆營軍高柳

前人

觀書虎館學劔龍亭雕弓偃月行馬流星氣視迴津星

占飛步火斷羗營沙崩賊路

前人

受律赤符韓信當千里治兵白帝張飛敵萬人

前人

雖接戰於富平已連營於官渡氣振巴丘之兵威警建

平之戍逢蒙射法力牧兵書星辰高下之占風雨逢迎

之氣懷書上馬習禮從戎陣圖六甲兵占八風藏松寶



劍射柳瑀弓推誠賈復屈節廉公懋功賜爵上將賞官

軍中受詔塞外登壇

前

置陣成臯連旗廣武箭起六麋鋒推九虎

前

探虎穴而揮戈上魚門而懸冑

前

六軍星陳萬騎雷動積甲高昆陽之城封尸塞富平之

水如彼建瓴同斯破竹天離轉陣月德迴兵黎陽水敗

官渡山驚

前

珠盤歎血定楚國之連盟七首登壇反齊人之侵地

前

受書黃石意在王者之脚揮劍白猿心存霸國之用晉

克夏陽先通滅虢之政奈開武遂始問吞韓之謀風神

果勇儀表沉雄學不專經畧觀書籍兵無師古自得縱

橫青烏甲乙之占白馬星辰之變天弧射法太乙營圖

並皆成誦在心若指諸掌執金鼓而問吳王橫瑀戈而

反齊地澆沙為壘聚石成圖風雲順逆營陣孤虛淮陰

受冊車騎登壇下江燒楚上地吞韓推功玉案定策珠

盤

前

巫山遠曲喧騎吹於日南芳樹清陰肅軍容於海截薄

徭省賦化百越之歸心撫寒投醪感三軍之死力

江總

臨瀚海而浴兵登天山而繼馬

邢子才

世為邊將少習兵書當敵制機臨戎應變增壘滅竈之



圖題樹繫桑之畧軍中罷戰無廢雅歌壯士志驕時觀  
投石辭功坐樹不伐征西之勲還第角巾無競龍驤之

賞

王褒

遼門射法遠中戟枝養由箭神遙穿揚葉巧極將軍之

伎精窮校尉之官

前人

軒轅五十二戰義在拯民成湯二十七征志惟靜難

任孝

恭

長城巨防射魯連之書白羽朱旗振武安之几深入五

千張空拳而報主橫行十萬勒燕嶺以酬君

前人

虎夫萬隊豹騎千群骨勇肉飛風驤霧合

盧思道

命百戰百勝之將動九天九地之師平共工而殄蚩尤

剪狹窳而戮鑿齒不煩二十八將無假五十一征橫行

十萬樊噲於是失辭提步五千李陵於是陷沒

薛道衡

韓彭絳灌成沛公之基寇賈吳馮奉蕭王之業冀馬追

風吳戈照日百萬成旅四七爲名呼吸則河渭絕流叱

咤則嵩華自拔決滄海而濯殘熒舉崑崙而壓小卵熊

羆角逐貔虎爭先因爾倒戈之心乘我破竹之勢坑卒

則長平未多積甲則熊耳爲小梯衡亂舞徒設九拒之

謀鼓角潛鳴空凭百樓之險

李密

負問鼎之雄圖鬱拔山之壯氣志逸風颺勢傾海岳或



一丸請封函谷或八千以割鴻溝匡周之筭呂望愧其  
 嘉謀平吳之功杜預漸其遠略擊長轂以雷奔望高旗  
 而電集大開幕府肇啓霸圖敷七德以宣威掩八紘而  
 取俊九野風馳六合雷駭魏徵  
 偃月疏營右澤左陵之勢浮雲連陣鵝張鶴列之奇秘  
 策金韜騰猷玉帳長戈三捷雄戟雙揮蛟分承影雁落  
 忘歸許敬宗  
 三門遁甲黃石成不戰之師五壘神兵玄女下先登之  
 策負鼇丘而峻壁據鼃壑而深溝一鼓而亭障無塵七  
 縱而江山失險王勃

元戎握節黃公授犀闕之圖帝座聞輦玄女薦龍庭之

策前人

鄧司徒馬上披書祭征虜營中習禮楊炯

杜太行而泥函谷猛氣無前戮封豕而斬長鯨雄圖不  
 測研幾冊府金藤玉版之書索隱兵鈴玄女黃公之略

前人

四時繁弱射連尹於嶠山萬辟太阿殺顏良於官渡棄  
 其筆墨漢家封萬里之侯稱爾戈矛周王命百夫之長  
 成軍夜火教戰秋風九天揚後一之兵六合擁前三之  
 陣前人



陶謙性好於幡旗王濬志在於執戟東方諫議口誦孫  
吳諸葛武侯坐吟梁甫登壇拜將授鉞行師開太一之

三門開陰符之六甲軍營玉帳武略珠韜

前

三門授律長驅無戰之師五月渡瀘深入不毛之地銜  
枚遠襲卷甲前驅偃危旆而設潛兵疑從天落乘間道  
而掩不備似出地中擁貔豹之雄順天機而左轉驅象  
犀之卒乘地軸以右迴總投石拔距之材蹈中權而拊  
其背騰躍鐵歛金之騎犯前茅而扼其喉橫玉弩以高  
臨縱金鉦而直進玄雲結陣影密西郊赤暈揮鋒氣衝  
南斗五都材雄三河俠少或生居燕地尤工卽墨之圍

或家本秦人早習昆明之戰叱咤則山嶽搖動慷慨則

林壑飛騰

駱賓王

張虛旗於趙城設奇兵於襄國亦猶吳人潛軍於巢縣  
而見舟豫章漢將捷徑於武關而聲出嶠澗滌昂宿於  
妖氛拔冀方於塗炭

張說

兵法有五十三家宜分其四種漢臣有二十八將自比

夫幾人

前

勇士冠雞武夫戴鶡選良家於六郡求猛士於四成

前

熊山之破赤眉犬邑之摧青犢笑禪謔之請車同子房

之借箸

李嶠



起沙礫而薄天助茲龜鼓吹煙火而漲日燎彼鴻毛前人

風雲助氣草木為兵唐人

千重貔貅之營百里龍蛇之陣沸若雲海聚如雪山壘

揭絳峰塹迴渭水闕軍聲而丘陵歛盪揚兵氣而天道

晦冥鼓譟白刃來聚犬羊之群旗靡黃塵旋就鯨鯢之

戮敗符融於渭水自可慚功破王邑於昆陽未云快意

常

陣為鵝鸛戰豈捷於魚麗詛以犬雞信寧優於牛耳陸贄

戈鋌雪照鉏駿雲屯虜魏豹於軍中縛呂布於麾下趙

子慕成季之勲復能霸晉亞夫紹絳侯之武亦克擒吳

假陸遜之鉞拜韓信之壇指蹤畫竒正之機發號申嚴

凝之令段文昌

魏延以勇略逸群自徧禪而登上將呂蒙以材智拔萃

捨行陣而總戎麾李紳

兵用火焚城將水灌驚地中之鼓角駭樓上之梯衝李商

隱

議平吳皓之時雖云推局報破符堅之日不廢圍棋胡曾



德器類

昴宿垂芒德精降祉淵角殊祥山庭表異望嚮罕窺其

術觀海莫際其瀾

任昉

萬頃澄波黃叔度之器量千尋聳榦嵇中散之楷模

昭明

秀標東箭價重南金才過吞鳥之聲德邁懷蛟之智

前人

橫素波而傍流干青雲而直上

前人

世濟琳瑯蟬聯冠冕氣識淹通風神閑逸

元帝

文傳夢鳥學重靈虵

前人

藍田美玉大海明珠灼灼美其芳聲英英昭其符采風  
神雅淡識量寬和爛爛如高巖下電騷騷若長松裡風



徐陵

山川氣候彰白虎於臯陶象緯休徵下蒼龍於曼倩信

凝脂點滌日角珠庭前人

華蓋中天之峰未階其峻金淵浴日之水不盡其源前人

禪河清論秋水高談辯析龜林聲馳鹿苑前人

桂生高嶺雲露方法其花蓮出淥波飛塵不污其葉唐太宗

宗

忠規奕葉孝緒蟬聯家匡玄燕之朝人輔彤雲之代唐制

辭吞楚澤量湛黃陂既光大厦之材堪入巨川之用唐制

白虹良寶紫電雄鋒家傳鵲印之祥世襲貂冠之緒質

映南金材踰東箭唐制

天璞自然地靈無對二十八宿稟太微之一星六十四

卦受乾坤之兩用論其器宇滄海添江漢之波序其文

章玄圃積煙霞之氣縱橫振鋒穎之才吐納積江湖之

量王勃

叙微猷於禮樂俎豆縱橫談寶契於林泉煙霞咫尺功

懸日月終值軌於寰中業靜風雲未逃規於象外前人

江東第一家傳正始之音日下無雙譽重名流之首文

場武庫發揮廊廟之師瓊樹瑤林寥廓風塵之表情源

九派士流欣滿腹之期德宇千門詞人有底身之望鳳



鳴朝日森梢煙雨之標龍躍雲津盤礴江山之氣前人

冲襟眇識人多江漢之靈麗藻華文代有雲泉之氣前人

騰蛟起鳳孟學士之辭宗紫電清霜王將軍之武庫前人

月開鸞鏡懷精鑑以分形霜湛虬鐘蘊希聲而待物前人

高局向術似元禮之龍門甲第臨衢有當時之驛騎玄

談清論泉石縱橫雄筆壯詞煙霞照灼前人

鳳穴振儀龍門標峻駱賓王

水鏡澄華炫金波於靈府冰壺徹鑑朗玉燭於神機前人

博聞強記辨晉國之黃熊將聖多能識吳門之白馬前人

懷書訪道學古言兵擅雲間之美譽馳日下之休聲劉知

幾

業傳河寶才誕嶽靈彩思有神鬚眉若画宋之問

玉璞金渾風搖雲起前人

秉不羈之操物莫同塵合絕響之音人皆寡和陳子昂

處有山林之節糖粃俗塵出為廊廟之才丹青世道張說

龍盤鳳峙桂郁蘭芬河陽春樹開四照於詞林洞庭秋

水清九流於心鏡李嶠

風塵之外獨秀瑤林清白之中常懸水鏡蘇頌

偉量川停高標嶽峙張九齡

南金無玷東箭有筠山明見松雪之姿天靜聳嵩衡之



勢薛庭珪

鳳彩歲蕤棲止碧梧之月鶴情瀟灑徊翔紫蓋之燠呈

瑞質而鳳離丹穴聳孤標而鶚翥青天驪駟躡蹠向天

路以無疑鵬鶚騰凌入秋雲而不返楚令孤

虛懷同於抱月懸鏡不疲利器比於成風刺鐘無滯金

聲含正始之和玉立在風塵之表沈

合鸞鳳之正音動諧律呂有麒麟之逸步迥出塵埃吳融

人貌魁竒鶴情閑暇舒六與

英風獨振偉量孤標推諸葛之秤心負姜維之斗膽胡曾

三都作序不勞皇甫士安萬乘為僚只有東方曼倩李商

隱

日觀同光天球並價揚鋒露鍔則武庫常開散藻摘華

則文星直見前人

霧能蔚豹燔可燒龍前人

淵角竒姿山庭表異更夢江毫重吞羅鳥前人

文鋒筆力抉楊馬之懸門劒氣弓聲割韓彭之右地前人

鏤筆才清探珠價重劇談以雞肋况時偶對以馬曹當

職羅隱

芝田養秀桂苑摘華口裡雌黃旋成典故座中薤白早

避風流前人



當時人物何戢唯效於褚公邇日風流杜又難方於衛

玠前

月中見字尚表英童夢裡乘舟故符王佐

李昇朝

淬礪雄茫利若太阿之劍展張勁力強於繁弱之弓

錢珮

魯戈迴日媧石補天

樂朋龜

荆山蘊片玉之姿桂樹擇一枝之秀

崔嘏

松篁清韻瓌璧貞姿

前

觀虎於檻齧髮不驚稱象於船勝衣能對

庾信

王武子以上將開府未滿立年荀中郎為都督十州才

踰弱冠

前

竹馬來迎已知名於郭伋羊車在道即見賞於王澄

前

和麟十四之歲答宿客之詩魯連十二之年杜離堅之

辯宇文

卯歲騰芳髻年超靄

楊炯

熊罷入兆羔雁成群童兒忽聚逢苦李而先知賓客相

過問楊梅而即對

前

偉龍章之秀質騰孔雀於觴年叶鳳彩之英姿辯蟾精

於弱歲

駱賓王

驥子睨雲鳳毛洗日置在膝前已會星辰之氣戲於牀  
下能記賓王之詞并茂之孫十二飛辯班彪之子九歲



能文

張說

文翰類

收百世之闕文採千載之遺韻謝朝華於已披啓夕秀  
 於未振罄澄心以凝思眇衆慮而爲言籠天地於形內  
 挫萬物於筆端藻思綺合清麗芊眠炳若緝繡悽若繁  
 絃雖濬發於巧心或受嗤於拙目陸機文賦  
 摘綺縠之思鬱風霞之情質不傷文麗而有體王僧孺

騁黃馬之劇談縱碧雞之雄辯劉峻

持郭璞之毫鸞詞塲月白吞羅舍之彩鳳辯囿日新昭明

風雲吐於行間珠玉生於字裡前人

涵蚌胎於學海卓爾超群蘊抵鵲於文山儼然孤秀前人



比良班馬等麗卿雲辭峰颺監逸氣雲浮帝元

素挺詞鋒兼長理窟匡丞相解頤之說樂令君清耳之

談徐陵

落落辭高飄飄意遠文異水而湧泉筆非秋而垂露信庚

口含碧雞之辯手握雕龍之文言析秋毫辭連春藻温子

昇

五章間發若啓榮光之圖六律相宣如覲奏金之字許敬

宗

吞九溟於筆海若控牛涔抗五嶽於辭峰如臨蟻垤王勃

文犀健筆白鳳雕章楊炯

峰秀學山列三墳而仰止瀾清筆海委九流以朝宗垂

秋實於翰林絢春花於文苑駱賓王

弘成與石鄧璞傳毫渙水儻來皆成藻繪荆峰若至只

有璆琳薛逢

文高庾尸辭峻謝山胡曾

驅風雷於江山變晴昏於洲渚煙霞以之慘淡景氣為

其澄鮮于頔

論說辭序則易統其旨詔策章奏則書發其源賦頌譎

讚則詩立其本銘誄箴祝則禮總其端紀傳移檄則春

秋為根劉勰宗經



書則夏侯歐陽易則神輸道訓詩乃齊魯毛韓傳稱鄒

左張夾禮有曲臺王史之異樂有龍德趙定之殊六經

庖厨百家異饌三墳為瑚璉五典為笙簧帝元

羲農軒皞之源山瀆鍾律之要白魚赤鳥之符黃金紫

王之瑞事豐奇偉辭富膏腴劉翊

史肇軒黃體備周孔辭宗丘明直歸南董前人

伯度訝其不實公理以為可焚人自以為苟袁家自稱

為政駿首白可期汗青無日孫盛實錄取嫉權門王韶

直書見讎貴族功虧刻鶴筆未獲麟劉知

裁成國典褒貶人倫明鏡一時覆車千祀王勤

傳為書癖成誦在心言應心精自懸於手蘇頌

秉南史之直筆補東觀之闕文常

一家之言莫就空慕馬遷三國之志未聞實慚陳壽穀

梁清婉休校力於短長王隱混淆預甘心於譏誚羅

詩緣情而綺靡賦體物而瀏亮碑披文以相質誄纏綿

而悽愴銘博約而溫潤說煒燁而譎誑陸

箴興於補闕戒出於弼匡論則析理精微銘則序事清

潤美終則誅發圖像則讚興昭

儷采百字之偶爭價一句之奇情必極貌以寫物辭必

窮力而追新平子得其雅叔夜舍其潤茂先凝其清景



陽振其麗兼善則子建仲宣偏美則太冲公幹劉勰明詩

志感絲篁氣變金石師曠覘風於盛衰季扎鑿微於興

廢雅詠温恭必欠伸魚睨奇辭切至則拊髀雀躍前人樂府

荀結隱語事數自環宋發巧談實始淫麗枚乘兔園舉

要以會新相如上林繁類以成豔賈誼鵬鳥致辯於情

理子淵洞簫窮變於聲貌孟堅兩都明絢以雅瞻張衡

二京迅發以宏富子雲甘泉構深瑋之風延壽靈光含

飛動之勢仲宣靡密發端必道偉長博通時逢壯采太

冲安仁策勲於鴻規士衡子安底績於流制景純綺巧

緝理有餘彦伯梗槩情韻不匱前人賦詮

頌惟典雅辭必清鑠敷寫似賦而不入華侈之區敬慎

如銘而異乎規戒之域揄揚以發藻汪洋以樹義前人頌讚

孟荀所述理懿而辯雅管晏屬篇事覈而言練列御寇

之書氣偉而采奇鄒奭子之說心奢而辯壯墨翟隨巢

意顯而語質尸佼尉繚術通而文鈍鵠冠綿綿亟發深

言鬼谷眇眇每環與義情辯以澤文子擅其能辭約而

精尹文得其要慎到析密理之巧韓非著博喻之富呂

氏鑒遠而體周淮南汎採而文麗前人諸子

授官選賢則義炳重離之暉優文封策則氣含風雨之

潤敕戒恒誥則筆吐星漢之華治戎燹伐則聲有滉雷



之威告災肆赦則文有春露之滋明罰救法則辭有秋

霜之烈

前人  
詔策

天子親戎則稱恭行天罰諸侯御師則云肅將王誅百

尺之衝摧折於咫尺書萬雉之城顛墜於一檄三驅弛剛

九伐先話推壓鯨鯢抵落蜂虿

前人  
檄移

詩刺讒人投畀豺虎禮疾無禮方之鸚猩不畏彊禦氣

流墨中無縱詭隨聲動簡外

前人  
奏啓

漢世善駁則應邵為首晉代能議則傅咸為宗動先擬

議明用稽疑理不謬搖其枝字不妄舒其藻

前人  
議對

總領黎庶則有譜籍簿錄醫曆星筮則有方術占試申

憲述兵則有律令法制朝市徵信則有符契券疏百官

詢事則有關刺解牒詩以述志則有狀賦辭諺

前人  
書記

神經怪牒錄笥丹筒金版玉箱錦文緹帙藏諸靈府秘

在瑤臺

王僧  
孺

紫臺青簡綠帙丹經玉版秘文瑤壇怪牒校之鉛墨械

以緹緗

江  
總

節陵遺策汲冢殘書倚相之八索九丘張華之千門萬

戶

楊  
炯

神龍負卦瑞雀銜書安釐王汲冢之文穆天子羽陵之

籍鄭玄殫見覽萬卷之八千班固洽聞涉五經之四部



前人

潛志百氏沈神六經罄龍圖及鳳書傾蒼冊與籀字儲  
西國之闕文採東京之逸記閱向歆之舊旨闡鍾王之

新意

淹江

光武靈臺之籍較涉根基張華聚土之書略見庭戶

陸倕

金版玉策之記枕籍忘疲蘭卉芝花之圖膏映必舉

庾信

飽漢臣之三篋似陟蒙山對梁相之五車若吞雲夢歌

山桂之偃蹇賦池竹之檀欒

楊暕

采金匱之漏簡訪玉山之遺文敝精神於丘墳盡心力

於河漢

祖鴻勳

學究本原術苞竒正八風五星之候玉臺金匱之書

李密

朱穆好學中食忘餐譙周研精欣然獨笑陽臺並作楚

襄賜雲夢之田上林同時漢武給尚書之筆

楊炯

康成興業纔覽卷於八千士安覃思願加年於累百

崔融

寒郊映雪暑草搜螢雖有謝於天資或無慚於力學

李商

隱

杜林外氏並富文章謝朗舉家皆親儒墨

前人

藍朱成彩雜錯之變無端宮商為音靡曼之態匪極關

西鄴下既以罕同河外江南頗為異法玄黃經緯之辯

金碧浮沉之殊

淹江



逸態橫生新情振起風雨爭飛魚龍各變方之珪璧塗山之會萬重譬以雲霞赤城之巖千丈文叅曆象即入天官之書韻涉絲桐咸歸總章之樂熊羆旦上增城抱日月之暉光燄宵飛南斗觸蛟龍之氣棟梁文囿冠冕辭林大雅扶輪小山承蓋庚信

譬其毫翰則風雨爭飛論其文采則魚龍百變前文

紫微懸映如傳闕里之書青鳥遙飛似送層城之壁若

夫甘泉宮裡玉樹一叢玄武闕前明珠六寸不得譬此

光芒方斯照燭前

絢發詞林若春華之麗韶景漪清筆海譬秋水之澹晨

霞仙鶴和吟慚八音於雅韻神龍縹彩謝五色於雕文

綺布天庭雲生石砌理含貞邃雅達谷處之端趣極幽

閑妙盡巖居之體煙松合翠露桂分紅究寫真之與旨

擅體物之窮神許敬宗

義繩之前飛葛天之浩唱媧簧之後揆叢雲之奧詞楚

國詞人御蘭芬於絕代漢朝才子綜鞏悅於遙年虛玄

流正始之音氣質馳建安之體寒中葉之詞林酌前修

之筆海李善

謝玄暉文集盈編止誦澄江之句曹子建詩名冠古惟

吟清夜之篇入華林而珠樹非多閱衆籟而紫簫惟一



奪造化而雷雲湧起役鬼神而風雨奔馳左太冲十年  
三賦未必無瑕劉穆之一日百函焉能盡麗班張屈宋  
亦有蕪詞沈謝應劉猶多累句

韋莊

賈生俊發故文潔而體清長卿傲誕故理侈而詞溢子  
雲沈寂故志隱而味深子政簡易故趣昭而事博孟堅  
雅懿故裁密而思靡平子淹通故慮周而藻密仲宣躁  
銳故穎出而才果公幹氣褊故言壯而情駭嗣宗倣儻  
故響逸而調遠叔夜雋俠故興高而采烈安仁輕敏故  
鋒發而韻流士衡矜重故情繁而詞隱

劉勰體性

相如含筆而腐毫楊雄輟翰而驚夢桓譚疾感於苦思

王充氣竭於思慮張衡研京以十年左思練都以一紀  
淮南崇朝而作騷枚臯應詔而成賦子建援牘以口誦  
仲宣舉筆似宿構阮瑀據按而制書禰衡當食而草奏

前人神思

下帷閉戶投斧懸梁玄晏書淫文勝經溢少孺迷而未  
工長卿工而未速孟堅詞不逮理平子意不及文孔璋  
傷於健仲宣病於弱

王僧孺

學窮書府文究詞林似臨淄之借書類東武之飛翰軫  
工遲於長卿喻速巧於王粲乃度平子而越孟堅何論  
孔璋之與公幹

陸倕



子駿之學貫古今平子之思俾造化仲宣之辯識無滯

次重之解經不窮王筠

孔璋詞賦曹祖勸其修今伯皆答贈華虞知其頗古孟

堅之頌尚有似文之譏士衡之碑猶有類賦之貶劉孝綽

淮南王食時之工裴子野昧爽之獻疑王粲之宿構無

稱衡之加點李商隱

不授彩毫未吞瑞鳥馳名江左陸機莫及於材多擅譽

鄴中王粲終聞於體弱前人

陸平原龍驚學海浮碧漢以安流鮑叅軍鶴翥文場代

黃金之平垆盧照鄰

精博爽麗顏延之急並於江鮑之間疎散風流謝宣城

緩步於應劉之上北方重濁獨盧黃門往往高飛南國

輕清惟庾中丞時時不墜前人

子建函京之作仲宣灞岸之篇子荆零雨之章正長朔

風之句沈約

六書雨散百氏雲興雕風燿之氣狀流日月之光華前人

李都尉鴛鴦之詞纏綿巧妙班婕妤好霜雪之句登越清

迴平子桂林理在文外伯皆翠鳥意盡行間河朔詞人

王劉為首稱洛陽才子潘左為先覺子建之牢籠郡彦

士衡之籍甚一時駱賓王



鏤心鳥跡之中織詞魚網之上

劉勰情采

競學浮疎爭事闢緩既殊比與正背風騷有異巧心終

愧妍手

文簡

陳淋健筆未盡愚懷孫惠詞人頗加繁飾

徐陵

留使催書駐馬成檄鏗鏘並奏能驚趙鞅之魂輝煥相

華時瞬安豐之眼才壯風雲義深淵海所覩黃絹之詞

彌懷白雲之頌軒車滿路如看太學之碑街巷相填無

異華陰之市

前人

學比山成辯同河瀉調逸許中聲高洛下

劉令嫺

曲中之妙傳乎郢客之音天下之珍得自隋侯之掌鳳

鳴六呂龍文九光用過秦肆懸輕呂氏之金持入周京

即貴洛陽之紙

李嶠

殺竹惟青臨池盡黑左氏門庭雖多筆硯稚川史籍不

滿巾箱曾莫負於五車徒見司於雙管

張巡

集七畧之書名高漢閣作三都之賦價重洛陽

席豫

排龍掩陸突鶴摧荀卓爾風標朗然流品妍如春暉烈

如冬凜燕石知慚齊竽自審咸指路而光銷盡登門而

聲寢劉儒十行孫弘三道筆海驚波詞園鞠草孫金盧

米百賦千詩桂林崑嶠一片一枝

李商隱

徒欲萬卷咸披且乏五行俱下戶戶醬瓿惟聞見辱人



人藝曰不肯留題廣絕交之論抑有肯焉移太常之書

非無為也

前人

模孝緒之詞方成牋奏竊仲任之論始解言談

前人

石崇著作徒願思歸殷浩裁書其如慕義庾特奇字信

未皆通敬禮小文頗常留意殷鈞體羸尚能為郡馬卿

疾罷猶可言文

前人

思將玳瑁為逸少裝書願把珊瑚與徐陵駕筆

前人

構思而君苗覘焚灑翰而元常筆閣

前人

南國佳辰長聞賦詠東山勝賞屢見篇題

羅隱

西過許昌空吟景福東遊鄒魯欲擬靈光時或風入楚

臺雪飛梁苑偶然成詠忽爾成篇

顧雲

假烏有以交談擬子虛而發論偶以書筠得句聊因起

草成篇陸海潘江亦嘗關慮宋風謝月素所營心

前人

學慚辯豹業愧藏螢劉子駿之醬瓿屢蒙相誚陸士衡

之酒甕每沐見嘲

前人

楊子雲之詞賦自愧雕蟲丁敬禮之文章人嗤画虎

前人

洛陽器賈本為能文紀北推袁曾因善賦

前人

吳中草檄始召陳琳鄴下裁牋方徵阮瑀徒效聚螢未

嘗吐鳳讀傳而雖云成癖為文而未見愈風

前人

保持所切已高黃絹之名傳寫可知旋長烏絲之價

前人



有心吐鳳無夢懷蛟不痊曹操之頭虛刺蘇秦之股

胡曾

仙巖遺傳入握成塵孔壁藏文隨開已蠹石書乍暗厨

画猶飛芝英雲氣之巧未殞松鉛鵲反鸞驚之勢不侵

蒲竹

庚肩吾

超出八法盡奇六文鳥企龍躍珠解泉分輕如遊霧重

似崩雲絕峰劍摧驚勢箭飛差池燕起振迅鴻歸臨危

制節中險騰機

鮑照飛白銘

冠六書而首出掩八體而孤騫耿乎若遊霧之拂春林

靄乎似輕雲之上秋漢羸氏之魂遊天上未比超昇闕

生之名在月中詎方遐邈

李嶠謝賜飛白書表

縹緲鴻飛之勢輕濃蟬翼之狀子敬白而不飛子雲飛

而不自

權德輿

諭之以雲間日下方之以陸海潘江雖宋玉大言見褒

於楚國公孫下策蒙賞於漢朝無以比此榆楊方斯恩

渥

李嶠謝撰文褒揚表

下帷闕蛟龍之學擗管慚鳳皇之思披文相質本殊黃

絹之詞頒賞計勞遂承紫泥之渥

前人謝撰碑賜物表

天文景鑠璧合而珠連聖理雲廻鸞驚而鳳集偃波垂

露會寶意而咸新半魄全曦象天形而得妙奇蹤絕俗

美態入神掩八體而擅規模冠千齡而垂楷法是用編



之玉軸勒以金繩盡罄梁珠特裝玳瑁之匣總攻陶壁  
用飾琉璃之笥珍寶之精下燭西崑之岫文章之氣上

躔東壁之垣前人賀見御書表

屈平聯藻於日月宋玉交彩於風雲王袁聯宗以龍章

顏謝重葉以鳳采劉勰時序

自叙類

詭對鶴書俯羞鴉翼坳塘汎水豈議大瀆之流覆篲為

峰終乖小魯之說文簡

捷為舍人實有誠願碧雞主簿無由遂心庾信

才非會稽之竹質謝昆吾之金學愧聚沙問慙攻木温子昇

燕南贅客河朔情遊本無意於希顏豈有心於慕蘭桑

榆慚暮蒸霍屢空舉燭無成穿楊盡棄崔顥

趨庭洽訓共歌朱萼之篇避席承觀猶守青箱之業王勃

同衛玠之虛羸談非正始愧劉楨之逸氣臥似漳濱前人



蓬衡叢品樗散陋姿勉十舍之勞寄三餘之暇敝帚自

珍緘石知謬李善

滄洲密邇未徵嘉遯之爰聞闔洞開不列亨衢之步希

仕尺寸狗祿斗升生平琴曲惟以下調相哀疇昔朋遊

詎有中入見識堂上百里驂明無撤器之因門下三千

毛遂乏處囊之地客果有能不孤彈缺之食士實難盡

誰知執矢之工李嶠

鸞鼠軒墀鷓鴣鐘鼓李邕

自悟曠間愧非胡廣頻依庶下虛感伯通爛額焦頭方

思馬褐捉襟見肘久困牛衣盧肇

荀鐸搖車邕琴入屢步類壽陵文慙渙水温庭筠

良馬嘶風非其伏阜饑鷹刷羽終耻棲籠前人

詞林無渙水之文官路乏其陵之黨前人

叫非獨鶴欲近商陵嘯類斷猿况鄰巴峽前人

未逢仁祖誰知風月之情因夢惠連或得池塘之句前人

郭翻無建業先疇嵇紹有滎陽舊宅故人為累僅得猪

肝薄伎所存殆成雞肋分陰屢轉尺涕難收仲宣之為

客不休諸葛之娶妻怕早前人

纂修祖業遠愧孔琳承襲門風近慚張岱處默無衾徒

然夜歎修齡絕米安事晨炊前人



陋若左思醜同王粲鬚眉不及於崔琰腰腹無預於鄭  
玄慧劣彌生專非董氏殊顏回之易鑄若宰我之難雕

李商隱

藏豹不堅雕龍未巧比衛家之一兒天懸鵬鷁望鄴中  
之七子風逸馬牛木朽石頑雕鑄莫就榆瞑豆重性分

難移

前人

山中桂樹遠愧於幽人日暮柴車莫追於傲吏將鬚理

髮霜雪呈姿弔影颺音爐霞息想

前人

方殊王逸惟注於楚詞有異郝隆但攻於蠻語

前人

辨仲謀之菽麥雖則有餘况安石之芝蘭竊將不可

前人

行吟花幕臥想金臺未離紫陌之塵已夢清淮之月

前人

傲枚叟之文章雖憐七發感潘生之歲月已歎二毛

前人

漆園之蝶濫入莊生之夢竹林之風永依中散之身

前人

龍尾貽譏敢通交契牛心前嚼實愧時才素無靈氣夙

昧攝生乏單豹養內之功闕王吉實下之效髮寧支弁

帶不成圍謝述心虛方茲未逮田光精竭比此猶強

前人

短袖難舞危條易風

羅隱

風塵下物天地中材光逸門寒無因自進楊雄口吃徒

欲解嘲

前人

鏤冰伎短緣木計疎跡未及蕭階陳榻之嚴目未覩巢



閣棲梧之瑞門寒於光逸命薄於黔婁人前

雖元瑜書記不足愈風而處士衣裘未嘗換雪寃鳥尚

思於啣石愚公猶銳於移山人前

入公孫龍之關不惟逞辨叱東方朔之御且欲獻書問

不知三書惟闕五未能窺豹強欲知龍從田巴於稷下

謁楊震於關西棲遲雖甚於蘇秦勤苦僅同於甯越曲

突無烟幽牕有雪飛文月殿欲擬謝莊染翰蘭臺思齊

宋玉顧雲

學殊牛豹藝愧全牛人前

偶效殺青因思拾翠捨獨爾文竿之樂預橫經染翰之

游一別楚山四彫秦葉人前

人非冠玉之儀賦乏披砂之譽澗松遲茂隴葉難芳犬

子生涯惟餘四壁楊雄家產不過十金人前

陳於器用則魏瓠興譏列在宮商則齊竽致誚人前



述古類

子夏處於西河之上而文侯擁篲鄒子居於黍谷之陰

而昭王陪乘

阮籍

嵇康意遠而疎呂安心曠而放

向秀

穉侯之忠孝淳深陸賈之優游宴喜長卿淵雲之文子

長政駿之史趙張三王之尹京定國釋之之聽政汲長

孺之正直鄭當時之推士終軍山東之英妙賈生洛陽

之才子

潘岳

賓禮名賢而張昭爲之雄交御豪俊而周瑜爲之傑

陸機

良平鳳棲信布虎據

陸雲



桓譚之褻俗馮衍之忤時北海之嶷峭中散之峻絕相  
如之愛奇任誕偉長之淹梓弘遠樂廣融通裴階夷淡

謝朓

曼倩幼習典墳公幹少誦詩賦阮瑀之書記不足扶衡

孫楚之辭才何以推轂同稷丘之棲隱慕留侯之却粒

稚川之抱朴士安之玄晏張華之博物馬均之巧思劉

向之知微葛洪之養性

王邵陵

叔寶理遣之談彥輔名教之樂

昉任

竇嬰戚貴於西京陸曄風素於東國

珪孔稚

心慕子文申威涿郡意存士雅慷慨臨江

文簡

南陽樊重高閣連雲北海公沙門人成市

元帝

鶴開阮瑀鵬翥楊循

前人

陸大夫燕喜西都郭有道人倫東國顏冉龍翰鳳雛曾

史蘭薰雪白舒向金玉淵海卿雲黼黻江漢道文麗藻

方駕曹王英特儁邁聯橫許郭類田文之愛客同鄭莊

之好賢

劉峻

驅馬金張之館飛蓋許史之廬習匡鼎之說詩騁谷雲

之雕篆慕兩仲之微跡襲二疏之風流

前人

夏侯玉樹之談衛玠璧人之目

裴子野

韓起聘鄭私買玉環吳扎過徐躬要寶劍

徐陵



臧孫有禮翻囚與國之賓周伯無愆空怒天王之使人前

枚乘老叟忽降時恩馮唐暮年見申明主前

曹劇登壇汶陽之田遽反相如睨柱連城之壁更還信

隨何遠至實釋漢帝之憂許攸夜來即定曹王之業前

東國桓榮西京疏廣前

程嬰之匿趙武從役家臣王成之藏李燮為傭酒市前

朱雲摧檻良所不逢禽息觸楹又為難值陳宣帝

陳平背楚歸漢則疆百里去虞入秦斯霸王

臧孫有後且聞得鳳之音枚叔多才雅蓄龍之妙唐

王夷甫之瑤林瓊樹直出風塵嵇叔夜之龍章鳳姿混制

同人野王

山巨源之遠量嘯傲行藏謝安石之高風從容語默嚴

君平之履道盛德家傳秦子整之譚天風流代襲山濤

天骨無情吏隱之間王衍風神出自風塵之表林宗有

道相期清濁之間平叔能言見許天人之際前

山巨源之風猷令望善佐朝廷稽叔夜之潦倒粗踈甘

從艸澤前

阮藉意踈稽康體放公孫弘之甲第天子未知王仲宣

之文章公卿不識前

孔融之逢元禮罕覩高文王粲之謁伯皆終慙懿戚前



幾人之外猶是卿雲陶鑄之餘尚同稽阮前

翩翩書記則阮瑀陳琳桂桂風流則王濛謝朓金多木

少孔文舉之天骨玉潔冰清華子全之神彩楊

崔亭伯真龍之氣揚子雲吐鳳之才前

汝南則顏子更生洛下則賈生重出書有盡覽之者實

符於鄭玄州有九遊之者頗類於班固同彼漆園之莊

周聊居賤職異乎安定之梁竦不憚勞人前

劉真長之遠致雅契高風習鑿齒之宏才深期上德前

顏回稱太平王佐月角殊姿仲由稱禮義霸臣星衡詭

狀前

孫子荆之天骨亮拔不群王夷甫之道心神鋒太峻前

陶謙雅尚祖述雄心衛玠風神張良容貌蔣婉之譏盛

允責在司空陳蕃之對薛勤志清天下前

張常山之福應直保金鈎謝太傅之閨門惟生玉樹審

清河管輅之天文對江夏黃童之日蝕曼倩不讓於詩

書翁歸兼強於文武朱家大俠滕公有然諾之言劇孟

過人袁盎有逢迎之禮前

面郊後帝即為潘岳之居累代通家咸言李膺之客前

林宗一見許以王佐之才士季相看知有公卿之量盧

鄰



擬人則多慙阮瑀入幕則高謝邨超

駱賓王

觀梁甫之曲識臥龍於孔明聽康衢之歌得飯牛於甯

戚前

受五行之剛氣叔夜心高挺三蜀之雄才相如文逸阮

孚以嘯咏自樂龐秀以忠烈可佳

元稹

牛哀為獸杜宇為鳥趙王為蒼犬夏鯨為黃熊傅巖之

相為星圮橋之老為石

陸贄

天才雄逸自得曹植相推地望增華耻與王珣為比

嚴識

玄

將軍李牧人主願其同時河尹李膺天下思其執御

穆員

羊興祖之衣惟葛袍公孫弘之食惟粟飯陳寵之奏藁

咸削孔光之温樹不言

李翰

冀缺以禮讓登朝則晉人知禮文翁以儒林獎俗則蜀

士多儒燕昭好馬則駿馬來庭葉公好龍則真龍入室

薛登

郭有道之銓量茅容望重裴逸人之賞拔夏少名高

前人

魏其燕下金盡散人汜毓室中衣無常主

盧虔

謝安之圍碁尚劫曹叅之飲酒方酣

鄭亞

荀勗乃天下表儀裴秀為朝端領袖

陸龜蒙

許靖廊廟之器黃憲師表之姿何晏神仙叔夜龍鳳宋



玉闕麗王衍白哲馬援之眉宇盧植之音聲

李商隱

麒麟閣中霍光且圖於勲伐玄洲苑上魏收別議於文

章不使郭門仍讒於段穎寧教李邑更毀於班超

前人

丘門用賦之年相如入室楚國命官之日宋玉登臺

温庭

筠

畢公克勤小物周公煥發大猷丙吉陋按吏於公庭袁

安不錮人於聖代衛將軍有常揖之客張子孺無謝恩

之人吉甫率由舊章魏相能明故事

杜牧

荀君之日月在躬王氏之風塵外物

羅哀

知遇類

虞卿入趙再見取相陳平就漢一覲參乘

魏文帝

閑習禮度不如式瞻儀刑諷味遺言不如親承音旨

東海

越王

陳蘿故葛攀附不常解角蛻鱗超踰非次

江淹

弘獎風流許與氣類勗以丹青之價弘以青冥之期一

言之譽陳陵俾於西山一盼之榮鄭璞踰於周寶

任昉

郭林宗之披霧豈敢名言孔文舉之欽風每相推薦

庾信

茂陵之彥望冠蓋而長懷霸山之民佇衣車而聳歎鴻

裝撰御鶴駕軒空岍不辭枯山被其潤奇禽異羽或巖



際而逢迎弱霧輕烟乍林端而菴藹

張

燕求馬骨薛養鳴雞謬齒鴻儀虛班驥阜

崔

剪拂錫其容彩吹嘘飾其羽毛雕朽為妍竊比鏗金之

響涸鱗霑潤縱游陸海之深

許敬宗

飾揚芻議提獎蕪詞白珪成再見之榮黃金定一言之

重鵬鷗既接仰雲徑而將趨龍坂可登指星臺而有望

循襟佩德撫事知恩山嶽有輕河漢無極

王勃

歡比連夕之舊契均同舍之游酬德踰於二錢報恩過

於一筭

李嶠

錫以吹嘘暖燕郊之陰谷延之顧盼燭漢園之寒灰

蘇頌

道德已富魏文侯之軾廬禮義可尊燕昭王之擁篲

蘇晉

義在斯合借客猶重於將軍道或可存縫掖未輕於太

守

康子元

毛玠當仁克尊徐邈孔融明敏無棄禰衡

李暄

文仲事君之教何日敢忘鮑叔知我之恩終期能報

孫逖

粹鵠羽於寒鴟教之騫翥蒙虎皮於下駟抑以騰驤

張玄

晏

醴薦推穆書成重鄒

李又

同谷永之舉士不失薛宣類周瑜之貢才無遺魯肅

鄭璠

推孔李之素分念高國之舊家鏤樸雕頑披龔抉贖沫



膏雨以令植假順風而使飛李商隱

府稱蓮沼慚無倚馬之能地號雲門竊有化龍之勢前

少迴巖電微駐台星蕭稜可刈管蒯無遺蒙文宣一字

之褒得玄晏三都之序便若神巫去癘司命逢年前

牛心致譽塵尾交談前

分光鄰女貸潤監河心懷右席夢結邊城寓尺牘而畏

達空函寫丹成而慚非健筆前

劉弘一紙之榮方斯未重季布百金之諾比此猶輕前

沙苑宮樹雖吟左輔之風烟良夜慶霄唯望中台之晷

度前

贖百里奚纔持五殺詣程不識猶惜一錢仰李膺之德

尚未登門讀戴聖之書已驚潤屋前

鄭玄之腰腹若挂丹青崔琰之鬚眉常存夢寐撫躬泣

下尚遙郭隗之門閉目夢遊已入孔融之座前

比殷浩之空函情同事異望孫弘之東閣魂往神留前

避席承言已卜曹叅之侍封面杼欸畏遺殷浩之譏前

丙丞相之車茵寧彈醉客平津侯之賓館不碍布衣前

郭伋還州尚不欺於童子文侯校獵寧爽約於虞人前

鹽車欵段徒逢伯樂而鳴土鼓迂疎恐致文侯之臥前

吳公之薦賈誼未塞前叨竇融之舉班彪仍當後忝前



出則祝趙衰之日永冀流暄入則禱傳說之星惟希借  
耀魚皆五色禽必九苞揚錦鬢彩羽之姿俟啓蟄吹葭  
之便羅隱

委病鵲門之下窺光龍燭之前上方於趙壹遭逢下比  
於陸機榮顯住踰負嶽之蛟出切戀軒之馬雖琳瑯杞  
梓盡歸梁棟之間而藻荇蘋蘩亦戀池亭之內殷函軫

念劉紙懸緘前人

樊子昭之處屠沽發光輝於許邵郭林宗之遊鞏洛振

聲價於符融前人

孔文舉之千元禮既忝登門徐孺子之謁陳蕃俄蒙下

榻前人

依魯相之門墻永隨車監仰殷宗之左右長奉鼎梅羅

臨汝催租先逢謝尚丹陽傳教取覓張憑更念毛輔終

思翼長贖彼在途之厄仍遺生芻脫於鳴阪之勞兼貽

半菽溫庭筠

仁祖乘流先知彥伯張憑理棹整值劉惔融襟蟻術造  
跡龍門三千子之聲塵曾叅講席十七年之鉛槧夙預  
玄圖張禹尊高猶為戴榮說禮鄭玄嚴毅便令服慎聞

詩前人

石苞羈賤早遇何曾魏武尊高猥知徐晃前人



臨濟輝華昔懸陳榻洛陽羈旅今造膺門依劉薦襪素  
乏梯航慕呂攀嵇全無等級膏沐之餘則飛蓬作髮銀

黃之末則青草為袍

前人

珠履三千猶憐墜履金釵十二不替遺簪

前人

運租船上便獲甄才避雨林中俄聞託契曾遊太學不

識承宮偶到離庭始逢仲暘

前人

陸機行止惟繫張華孔闔文章先投謝朓沈約扇中猶

題拙句孫賓車上欲引凡姿

前人

張司空汲引先及陸機楊丞相銓衡竟遺劉炫所冀陶

鈞之日不忘簪屨之餘報不先期竊比齊門座客情非

自外欲為顧氏家丞

前人

假劉公之一紙達彼春卿成季子之千金霑於下士

前人

丘明作傳必授宣尼王隱著書先依庾亮

前人

柳文暢之遇王融初因雅韻劉嗣芳之逢沈約實自片

辭禽中一鶚冀文舉之明知獄底雙龍庶茂先之必識

一日三復非敢望於休文拂席易衣竊有期於謝混

顧雲

宋玉雄風必加吹煦謝莊明月終借光輝

前人

蔡中郎之未顧則竹葉柯亭張司空之見知劔空圓室

前人

遠則沈隱侯之獎何伯言纔聞發論近則韓文公之知



李長吉始議及門前人

仙翁逞術叱石為羊方士呈能結巾成兔遙瞻紫氣希

傳尹喜之書更詣朱門重幸張湯之刺前人

仰將軍之大樹敢議營巢窺丞相之巨川唯希在藻胡曾

感恩類

青牛道士更延將盡之年白鹿真人能生已枯之骨拔

山超海負德未勝垂露懸針書恩不盡蓬萊謝恩之雀

白玉四環漢水報德之蛇明珠一寸庾信

馬前驅而導路或似識恩雞未曉而開關容能報主前人

年齊栢寢豈報恩榮紙罄蘭臺未書竦戴

懦夫增氣先歌易水之風壯士投心思赴吳宮之火王勃

白面書生自銘恩於食稻黃衣童子將賽德於餐花駱賓王

雨露湛恩光臨非次氓喙眇質負戴難勝崔行先



雀辭楊館常懷資篋之恩燕別張巢永結雕梁之戀李商

將酬楊寶則就雀求環欲答孔愉則從龜覓印前人

困而待問希同喘路之牛誓此酬恩願比棲囊之雀顧雲

銘茲厚德戴此洪恩譬渤澥而俱深方嵩華而猶重徐陵

季布之諾乃重於黃金延陵之許竟懸於寶劍生負食

花之惠死效結草之誠宋之問

身輕塵露佩德空深貺等山丘殞身何答李嶠

窺觀則河漢無極負戴則山嶽為輕于公異

恩知將日月兼深惠卹與丘陵比峻羅衣

不遇類

賈大夫沮志於長沙馮都尉皓髮於郎署君山鴻漸鍛

羽儀於高雲敬通鳳起摧迅翻於風穴劉孝標

日南枯蚌猶含明月之珠龍門死桐尚抱咸池之曲庾信

廉公眷戀寧聞更用之期李廣盤桓無復前驅之望前人

蠱惜春漿鴟恠腐鼠相江都而永歎傳長沙而不歸魯

值臧倉楚逢靳尚趙壹為之哀歌張升於是慟哭盧思道

西蜀王孫之富翻同原憲之貧東海糜竺之家俄成鄧

通之室李密

幽蘭九畹傷謠詠之情多丹桂一枝竟攀援之路斷王勣



振紀類纂  
當用賢之世賈誼謫於長沙居好文之朝崔駰放於遼

海陳子昂

孫弘適見於贈芻却詵佇希於擢桂鹿鳴不奏鳳德何

衰苗牧

許休文之流浪萬里非賒王仲宣之播遷三年未遇雖

何惜於無家良可悲其絕籍京口劉生方思鵝炙洛陽

蘇子已敝貂裘李商隱

罕遇心知多逢皮相薦禰衡之表空出人間嘲楊子之

書僅盈天下前人

傳書而黃犬增勞久客而黑貂兼敝薦光逸之材以地

寒為累舉仲宣之賦以體弱見遺羅隱

嵇康骨俗徒矜養性之能李廣數奇豈是用兵之罪前人

蛇虛畫足鵠不中心正平刺滅屢窘輿儻叔夜燈殘頻

逢鬼魅前人

京兆王章三冬有淚淮陰韓信一飯無門前人

懷鄉莊舄正苦越吟去國鍾儀方悲楚奏顧雲

陶元亮之揮毫只思歸去庾子山之染翰空有悲哀前人

東郭先生將逃濫吹步兵校尉欲泣窮途前人

揚子雲之嗣賦自媿雕蟲丁敬禮之文章人嗤畫虎前人

孫嵩有口繫以存亡王尊一身困於賢佞牛衣夜哭馬



柱晨吟溫庭筠

玄珠難得空迷罔象之珠大道多岐頻灑亡羊之泣藩

羝類窘幕燕同危顧雲

懸虵結釁鬪蟻成災針石屢加鴛羸無減並相如患渴

雖覺有瘳比玄晏病風猶希可療腸然烈火髮染繁霜

前人

長沙地窄難呈宛轉之姿南郡鬼逢每受挪揄之耻羅袞

振綺類纂卷之二終



